

廿一史約編 卷部 唐

↑13
609
5



門 13
號 609
卷 5



廿一史約編

大正十五年一月
花房仙太郎氏寄贈

吳興 鄭元慶 莊睦 述

男惟翰 特何 編次
徐秋萼 蘭仲

烏程 沈一揆 存田

潘世泰 彙征

歸安 沈愷 曾樂存 較閱

卞飛熊 廣勤 參訂

唐書全目 正史

本紀十

高祖 太宗

高宗 武后 中宗

全目

池

睿宗 玄宗

肅宗 代宗

德宗 順宗 憲宗

穆宗 敬宗 文宗 武宗 宣宗

懿宗 僖宗

昭宗 哀帝

志五十

禮樂 二十

儀衛

車服

厯 六

天文 三

五行 三

地理 七

選舉 二

百官 四

兵

食貨 五

刑法

藝文 四

表十五

宰相 三

方鎮 六

宗室世系

宰相世系 五

列傳一百五十

后妃

太穆寶后 文德長孫后 徐賢妃 王后
則天武后 和思趙后 韋后上官昭容

肅明劉后 昭成寶后 王后
貞順武后 元獻楊后 楊貴妃

后妃

張后 章敬誤后 貞懿獨孤后 睿真沈
昭德王后 韋賢妃 莊憲王后 懿安

全目

二

袍

郭太后 孝明鄭太后 恭僖王太后 貞

獻蕭太后 宣懿韋太后 尚恭宋若昭 郭

貴妃 王賢妃 元昭晁太后 惠安王 何后

太后 郭淑妃 恭憲王太后 永安壯

江夏郡王道宗弟廣甯縣公道興 道玄六世從

王孝基四世孫涵 淮陽壯王道玄六世從

孫漢 長平肅王叔良子郇國公孝協孝協

弟子彭國公思訓叔良從孫新興郡王晉

長樂郡王幼良 襄武郡王琛 河間元王

孝恭子晦 漢陽郡王瓌 廬江郡王瑗

淮安靖王神通子膠東郡王道彥梁郡公孝

逸四世孫國貞嵩五世孫說四世孫齊物齊

物子復 襄邑恭王神符六世孫從晦 隴

西恭王博父 渤海敬王奉慈七世孫鼓 隴

高祖廿一子

隱太子建成 衛懷王立霸 巢刺
王元吉 楚哀王智雲 荆王元景
漢王元昌 豐悼王元亨 周王
元方 徐康王元禮 韓王元嘉子

宗室

太宗九王

常山愍王承乾 鬱林王恪子成王千
里吳王琬琬子信安郡王禕禕子趙國
公岷禕弟嗣吳王祗祗子嗣吳王曠
濮恭王泰 庶人祐 蜀悼王愔 蔣
王暉曾孫之芳 越王貞子琅邪王冲
紀王慎子義陽王琮 曹王明四世
孫嗣曹王皋皋
子象古道古

黃公譔 彭思王元則 鄭惠王元
懿 霍王元軌 魏莊王鳳 道孝
王元慶 鄧康王元裕 舒王元名
魯王靈夔 江安王元祥 密貞
王元曉 滕王元嬰

三宗諸子

高宗子燕王忠 澤王上金 許王素
節子廢信王瑒 孝敬皇帝弼妃父裴
居道 章懷太子賢子邠王守禮守禮
子廣武王承宏燉煌王承宗 中宗子

懿德太子重潤 譙王重福 節愍太子重俊 睿宗子讓皇帝憲子汝陽王 璣漢中王瑀瑀孫景儉 惠莊太子 惠文太子 範從子嗣岐王珍 惠宣太子業曾孫 嗣薛王知柔

十二宗諸子

玄宗子奉天皇帝琮 太子瑛 王琬 王瑛 鄂王瑤 靖共太子琬 光 王琚 穎王璪 永王璘 壽王瑁 延王珣 盛宣王琦 豐王珙 沐哀王璿 肅宗子越王係 承天皇帝俊 彭王儼 襄王儼裔孫煜 恭懿太子 代宗子昭靖太子 魏 睦王述 德宗子舒王誼 通 王謙 虔王諒 肅王詳 文敬太子 子源 順宗子 鄒王經 憲宗子 惠昭太子甯 禮王憚 絳王悟 王恪 穆宗子懷懿太子湊 安王

敬宗子悼懷太子普 陳王成美 文宗子莊恪太子永 宣宗子通王滋 懿宗十吉王 保 昭宗子德王裕

諸帝公主

世祖一 高祖十九 太宗廿一 高宗三 中宗八 睿宗十一 玄宗廿九 肅宗七 代宗十八 德宗十一 順宗十一 憲宗十八 穆宗八 敬宗三 文宗四 武宗七 宣宗十一 懿宗八 僖宗二 昭宗十一

李密 單雄信 祖君彥

王世充 竇建德

薛舉 子仁 李軌 劉武周 高開道 劉黑闥 徐圓

蕭詵 輔公祏 沈法興 李子通 朱榮 林士 梁師都 劉 弭 張善安 包

眞唐

劉文靜

裴寂趙文恪李思行李高遷姜寶誼許世

武達龐卿 張長孫張平高李安

屈突通 尉遲敬德 張公謹

子大 秦瓊 唐儉弟憲憲

次子扶扶弟 持持子彥謙 段志玄

三世孫文昌 文昌于成式

劉弘基 殷開山 劉政會

子奇七世孫崇望崇 望兄崇龜弟崇魯 許紹

子圉師曾孫欽 寂欽寂弟欽明

程知節 柴紹 任瓌 邱和子行

溫大雅

弟彥博大有四世孫孫信信子造造 子璋彥博裔孫廷筠廷筠弟廷皓

皇甫無

逸 李襲志

弟襲 姜暮 子行本行本孫皎 皎子慶初皎弟晦 崔善為

李嗣眞

杜伏威

養子闕稜 王雄誕

張士貴 李子和 苑君璋 羅藝 王

君廓

李靖

弟客師客師孫令 孫敬業敬業 叔父思文

侯君集 張亮 薛萬均

弟萬徹萬備盛彥師盧祖 尚劉世讓劉蘭李君羨

高儉

子履行真行 五世孫重

竇威兄子軌軌弟琮威從兄子 抗抗子靜誕抗弟璉威從

孫德

房元齡

子遺 弟楚客叔父淹五世孫元穎 元穎弟子審權審權子讓能

魏徵

五世孫

全目

五

飽

王珪孫薛收子元超從兄子元敬馬周子韋挺子

價待價曾孫武

李綱孫安仁李大亮兄子道裕戴胄兄子劉洎樂

璋弟崔仁師孫湜湜

陳叔達楊恭仁子思訓弟師封倫裴矩宇文士及

陳善果從兄權萬紀族孫閻立德弟立蔣儼韋

弘機孫岳姜師度強張知謩

蕭瑀從子鈞鈞兄子嗣業鈞孫嵩嵩子華嵩孫

岑文本孫義從子長盧世南李百藥子安褚亮劉

孫李之道李守素德榮五姚思廉孫瑒瑒令狐德棻鄧世隆

蘇世長子良嗣良韋雲起孫方孫伏伽張玄素

于志曾孫休烈休烈孫高季輔張行成族子易

長孫無忌從父做做從弟操操褚遂良曾孫韓瑗

來濟兄李義琰子巢從上官儀

杜正倫從子求仁崔知溫兄知高智周石仲郭正

一趙弘智四世從崔敦禮楊弘禮弟弘武弘武

族父盧承慶弟劉祥道子齊賢齊賢李敬立

弟元 劉德威 子審禮審禮弟延景審禮孫昇審禮從弟延嗣孫處約子

邢文衛 高子

傅奕 呂才 子方 殺 陳子昂 王無競 趙元

劉仁軌 裴行儉 子光廷光廷子積 婁師德 子積 子倩 子均

崔義玄 子神基神慶 楊再思 弟季 竇懷貞 從子 宗 神慶子琳

楚客 弟晉卿 祝欽明 郭山 王嶼 紀處訥 暉

諸夷蕃將 史大奈 馮盜子智戴族人子猷 阿 史那社余阿史那忠 執失思力 契

苾何力子胡 黑齒常之 李謹行 泉男生子獻誠 李多祚李湛 論弓 仁孫惟貞 尉遲勝 尚可孤 裴玠

郭孝恪 張儉 弟延 王方翼 子 蘇定方 薛仁貴 子訥 子嵩嵩 子平 程武挺 王孝傑 唐休璟 張仁愿 張敬 王

峻

王義方 員半干 石抱 忠 韓思彦 子 蘇安恆 薛登 王求 禮 柳澤 從祖 馮元常 從弟 蔣欽緒 子沈沈 弟清

唐臨 兄皎 張文瓘 兄文琮 文琮子錫 徐有功 五世 孫商 係紹 文琮從弟文收

商子 彥若

崔融 曾孫從從兄能從子 徐彥伯 蘇味道 豆盧欽 慎由安潛能子彥曾

望 史務滋 崔元 綜周允元

全目

七

飽

狄仁傑 子光嗣族 孫兼謨 郝處俊 孫象賢 朱敬則 兄仁執

王綝 孫備備孫遂 緜九世孫搏 章思謙 子承慶嗣立嗣立子陸恆濟嗣立孫卯景

元方 子象先景倩景融景融四世孫 希聲元方從父餘慶餘慶子璩 王及善 李

日知 杜景佺 李懷遠 子景伯景 伯子彭年

裴炎 從子 劉禕 之郭 翰 魏玄同 子 李昭德 吉頊

張廷珪 韋湊 子見素見素子諤諤弟子顓湊從 叔知人知人子維繩維子虛心 韓

思復 子朝宗朝 宗孫飲 宋務光 呂元泰 辛替否 李渤 裴潏

張 李中敏 李款 李甘

武平一 李義 賈曾 子 白居易 弟行簡從 祖弟敏中

桓彥範 盧襲秀薛季昶楊 元琰元琰子仲昌 敬暉 崔元暉 孫渙渙子 縱縱孫碣

張柬之 袁恕已 高孫

劉幽求 鍾紹京 崔日用 子宗之從 兄日知 王琚 張 王毛仲

李守德 陳玄禮

魏元忠 韋安石 子陟斌兄叔夏叔夏 子縉安石從兄子抗 郭震

李嶠 蕭至忠 盧藏用 韋巨源 趙彥昭 和逢堯

姚崇 子奕奕曾 孫台昂 宋璟 子

蘇瓌 子頤說說子 張說 子均

魏知古 羅懷慎 子 李元紘 杜暹 族子 鴻漸 張九齡 子拯 三世

從孫仲方韓休子洪混混子

張嘉貞子延賞延賞子弘靖弘靖子文規次宗嘉貞弟嘉祐源乾曜族孫光裕光裕

子清裴耀卿孫

蘇珣子思貞畢構弟李傑鄭惟忠王志愔許景

先潘好禮倪若水席豫齊澣孫

裴守真子子餘曾孫行立崔沔盧從愿李朝隱王邱嚴挺

之子武從孫

裴灌從祖弟寬寬子陽崎宋慶禮楊瑒崔隱甫李

尚隱解琬

宗室宰相適之峴勉夷簡

劉子立子既子藪子滋弟敦子儒既吳兢韋述蔣

父子係子曙子贊既弟迴秩迅沈既濟子傅師

詢係弟伸偕柳芳子登登子沈既濟子傅師

郭虔瓘郭知運子英傑王君奭張守珪子獻誠獻

恭獻恭子胸獻誠從弟獻甫王忠嗣牛仙客

宇文融韋堅楊慎矜王鉷盧

哥舒翰子高仙芝封常清

李光弼子象弟先進荔非元禮郝廷玉李國臣白

唐 器烏 承班

郭子儀 子曜 晞 晞孫承嘏 晞弟曖 曖子劍 劍

李嗣業 馬璘 李抱玉 從弟抱真 抱真子緘 路嗣恭 子應

房瑁 子儒 復孫張鎬 李泌 子

崔圓 苗晉卿 裴寬 裴遵卿 子向 向 孫樞 呂誼

崔光遠 鄧景山 崔 魏 少游 衛伯玉 李澄 子克 甫 韓全

義 盧從史 高霞寓

李麟 楊綰 崔祐甫 子植 從 柳渾 兄 韋處厚 路隋

高適 元結 李承 韋倫 薛珏 子存 崔漢衡 戴叔倫 王

翊 子正 雅兄 翊 徐申 郝士美 辛祕

來積 裴 田神功 弟 神 侯希逸 崔甯 二世 從 嚴礪

元載 卓英 璘 王縉 黎 幹 陽炎 庚 準 嚴郢 竇參 族子 申

李栖筠 子吉甫 吉 李暉 孫

王思禮 魯貞 王難得 孫 辛雲京 從弟 京 杲 馮河清

姚 况 李芄 李叔明 子 曲環 王虔休 盧羣 李元素 盧

士玫

令狐彰 子建 張孝忠 子茂 宗 茂 昭 康口知 子志 陸

承 訓 李洎 劉濼 田卯 正 子布 王承元 牛元翼 傅良

全目 十 彌李

史孝章

劉晏孫蒙兄暹暹孫潼元琇第五琦班宏王紹李

巽

李揆常袞趙憬崔造齊映盧邁

關播李元平董晉子溪陸長源劉全諒袁滋趙宗儒竇易直

張鎰姜公輔武元衡從弟李絳子宋申錫

段秀實子伯倫孫疑文顏真卿

李晟子憲憲聽

馬燧子暢子琢王似兄炫子輝子城子鎡

楊朝晟戴休顏陽惠元子李元諒李觀韓游瓌杜

希全邢君牙

陸贄

韋臬兄聿弟子張建封子嚴震從孫韓弘子公武

鮑防李自良蕭昕薛播樊澤子宗王緯吳湊兄子

鄭權陸巨盧坦問濟美柳晟崔戎子

徐浩呂渭子温孟簡劉伯芻子寬夫寬楊憑弟疑

子敬潘孟陽崔元略子鉉鉉子沆元略章綬

張薦孫趙涓子博李紆鄭雲逵徐岱王仲舒馮

全目

十一

鮑

唐
庾敬休

姚南仲子朗獨孤及子郁顧少連子廉章夏卿子段平

仲子呂元膺子許孟容弟薛存誠子李遜子方

建建
子內

孔巢父從子穢孫緯穢穆甯子贊崔邠弟鄆柳

公綽子仲鄆仲子璞瑋璧北公質員楊於陵馬總

歸崇敬子登奚陟子崔衍子盧景亮王源薛萃子膺衛

次公子薛戎弟胡證子公著崔弘禮崔玄亮王

質孫殷侑孫盈王彥威

鄭餘慶子澣澣子鄭珣子覃覃子裔高郢子鄭

綱孫顯權德輿子璩子崔羣

賈耽子杜佑子式方子方子棕子孺休令狐楚子緒

綯子綯子瀉楚弟定

白志貞裴延齡崔損章渠牟李齊運李實皇甫鏞

鏞弟王播弟起起子龜式

韋執誼王叔文王伍韓瞻陳陸質劉禹錫柳宗元

程昇

杜黃裳子勝裴垣李藩章貫之子澳兄綬綬子溫蕭祐

唐

高崇文子承簡伊慎朱忠亮劉昌裔范希朝王鐔子稷

孟元陽王栖曜子茂元劉昌子士涇趙昌李景略任

迪簡張萬福高固郝玘史敬奉野詩良輔

李光進弟光顏烏重肩石洪李琪王沛子逢楊元卿子延宗曹

華高瑀劉沔石雄

于頔子季友王智興子晏平宰杜兼從弟羔羔子中立杜亞范傳

正

裴度子識論

李逢吉元稹牛僧孺子蔚蔚子徽蔚弟叢李宗閔楊嗣復子授

授子明
授弟損

竇羣兄常牟弟羣劉栖楚張又新楊虞卿弟漢公從兄汝士張

宿熊望柏耆

韓愈孟郊張籍皇甫湜盧仝賈島劉叉

錢徽孫瑛崔咸章表微高鉞子湜弟銖錯錯子湘馮宿弟定從弟審

李庚仲李翱盧簡辭兄子知猷弟弼止高元裕

兄少逸子璩封敖鄭薰敬晦章博李景讓弟景温

劉蕡

李訓鄭注王涯賈餗舒元興王璠郭行餘韓紉羅立言李孝本顧

全目

十三

師也李

李德裕子焜焜子延占

陳夷行李紳李讓夷曹確劉瞻弟助李蔚

李固言李珣崔琪子涓兄瑄瑄弟蕭鄴鄭肅孫仁表

商盧均盧簡韋琮周墀裴休劉瑒夏侯趙隱裴

坦從子鄭延昌王溥盧光啓韋貽範

畢誠崔彥昭劉鄴豆盧瑑陸晨鄭繁朱仆孫韓偓兄儀

馬植楊收兄發弟嚴路巖韋保衡盧攜

鄭畋王鐸弟王徽韋昭度張溶

周寶王處存子鄧處訥雷陳儒劉巨容馮行趙德

譚子匡楊守亮楊晟顧彥朗弟彥暉

王重榮兄子玳諸葛爽李罕之王敬武子師範孟方

立從弟

楊行密時溥朱宣孫儒

高仁厚趙彜弟昶川稷朱延壽

劉建鋒成汭杜洪鍾傳劉漢安張雄王潮弟審劉

知謙盧光

忠義夏侯端劉感常達敬君弘謝叔方

呂子臧馬元規王行敏盧士李玄通

十四

唐

羅士信 張道源族子楚金 李育德李公

逸張善相 高叡子仲舒 安敬藏 王同

皎孫潛周憬 吳保安 李燈子源

彭 盧奕孫元輔 張介然崔無諛

顏果卿兄春卿 賈循從子隱林

張巡 許遠南霽雲雷萬春姚訥

程于里袁光廷 龐堅薛愿 張興 蔡廷

王 符令奇子璘 劉迺 孟華 張仵

周曾 張名振 石演芬 吳激

高沐 賈直言 辛謹 黃碣孫揆

元德秀李粵 權皋 甄

李知本 張志寬 劉君良 王少玄 任

敬臣 支叔才 程袁師 武卯度 宋思

禮 鄭潛曜 元讓 裴敬彝 梁文貞

沈季詮 許伯會 陳集原 陸南金 張

瑋 侯知道程俱羅 許法慎 林楷

陳饒奴 王博武 萬敬儒 章全益

隱逸

王績 朱桃椎 孫思邈 田游巖史德義

大經 武攸緒 白履忠 盧鴻 吳筠潘

師正劉道合司馬承禎 賀知章 秦系

張志和 孔述睿子敏行

陸羽 崔觀 陸龜蒙

章仁壽 陳君賓 張允濟李桐客 李素

立孫至遠至遠子舍至遠弟子巖 薛大鼎

子克構 賈敦頤弟敦實楊德幹 田仁會

子歸道 裴懷古 韋景駿 李惠登 羅

珣子讓 韋丹子宙弟岫

盧弼宜 薛元賞 何易于

徐文遠 陸德明 曹憲 顏師古弟相時

叔父游秦 孔穎達王恭馬嘉運 歐陽詢

子通 朱子奢 張士衡賈大隱 張後貞

蓋文達宗人文懿 谷那律四世孫從政

蕭德言許叔牙子子儒 敬播

劉伯莊秦景通劉訥言 羅道崇

循吏

儒學

儒學

唐 郎餘令 兄餘慶 徐齊 聃子 堅 堅子 嶠 沈伯儀 路敬 滄弟 敬潛 王元感 王紹宗 彭景直 盧榮 尹知章 張齊賢 冲 馬懷素 殷踐猷 孔若思 從弟 季 調子 至

儒學

褚无量 徐安貞 元行冲 陳貞節 施敬本 盧履冰 王仲邱 康子元 侯行果 趙冬 儀尹 惜陸堅 鄭欽說 盧僕 啖助 韋彤 陳京 暢當 林藹 韋公肅 許康佐

文藝

袁朗 孫誼 從弟 承序 從祖 弟 利貞 賀德仁 庾抱 蔡允恭 謝偃 崔信明 鄭世翼 劉延祐 從弟 藏器 藏器子 知柔 張昌齡 崔行功 孫說 杜審言 從兄 易簡 孫甫 王勃 兄 尉弟 助 楊炯 盧照鄰 駱賓王 元萬頃 孫正 正子 義方 季方 范履冰 周思茂 胡楚賓

文藝

李適 韋元日 劉允濟 沈佺期 宋之問 閻朝隱 尹元凱 富嘉謨 劉憲 李邕 呂尚 王翰 孫述 子 成 成孫 簡 李白 張旭 王維 鄭虔 蕭穎士 子 存 陸據 柳并 皇甫冉 蘇源 明梁肅

文藝

李華 宗子 翰 從子 觀 孟浩然 王昌齡 崔顥 劉太真 邵說 于邵 崔元翰 于公異 李益 盧綸 歐陽詹 從子 和 李賀 吳武陵 李商隱 薛逢 李頻 吳融

方技

李淳風 甄權 許胤 伯宗 張文仲 袁天綱 子 客 師 張憬 藏 乙弗 弘 禮 金 梁 鳳 王 遠 知 薛 頤 葉 法 善 明 崇 儼 尙 獻 甫 嚴 善 思 杜 生 張 果 邢 和 璞 師 夜 光 羅 思 遠 姜 撫 桑 道 茂

列女

李德武 妻 裴淑 英 楊慶 妻 王 房元 齡 妻 盧 獨孤 師 仁 姆 王 蘭 英 楊三 安 妻 李

唐

樊會仁母敬 衛孝女無忌 鄭義宗妻盧

劉寂妻夏侯碎金 于敏道妻張 楚王

靈龜妃上官 楊紹宗妻王 賈孝女 李

氏妻王阿足 樊彥琛妻魏 李畬母 沐

女李 崔繪妻盧 堅貞節婦李 符鳳妻

王英 高叡妻秦 王琳妻章 盧惟清妻

徐 饒娥 寶伯女仲女 盧甫妻李 鄒

待徵妻薄 金節婦 高愍女 楊烈婦

賈直言妻董 李孝女妙法 李湍妻 董

昌齡母楊 王孝女和子 段居貞妻謝

楊含妻蕭 韋雍妻蕭 衡方厚妻程 鄭

孝女 李廷節妻崔 殷保晦妻封綯 寶

烈婦 李拯妻盧 山陽女

趙 周迪妻 朱延壽妻王

外戚

獨孤懷恩 武士讓兄士稜 士逸孫承嗣三
思士逸孫懿宗 士稜孫攸暨 章温 王仁
皎子守一 楊國 鄭光

宦者

楊思勗 高力士 程元振 駱奉先 魚朝
恩 竇文場 霍仙鳴 劉貞亮 吐突承璀

宦者

李輔國 王守澄 劉克明 田令孜
楊復恭 劉季述 韓全海 張彥弼

酷吏

索元禮 來俊臣 來子珣 周興 邱神勣 侯
息止 王弘義 郭弘霸 姚紹之 周利
貞 王旭 吉温 羅希奭

藩鎮

魏博 田承嗣 從子悅 子緒 緒子季安 季安子
懷諫 緒弟縉 史憲誠 何進滔 子弘

藩鎮

鎮冀 李寶臣 子惟岳 惟岳弟惟簡 王武俊
子士真 士真子承宗 王廷湊 子元逵
元逵子紹鼎 紹縉 紹綽
則子景崇 景崇子鎔

全目

十七

飽

唐

藩鎮盧龍 李懷仙 朱滔 劉惔子濟濟子總 朱克融 李載義楊志誠史元忠 張

仲武子直方 張允伸張公素 李茂 勳子可舉 李全忠子匡威匡威弟匡

善 劉 仁恭

藩鎮淄青橫海 李正己子納納子師古師道 程 日華子懷直懷道從兄懷信懷直

子權 李全 略子同捷

藩鎮宣武彰義澤潞 劉玄佐 鄧惟恭 吳少誠 吳 少陽子元濟李祐 劉悟子

從諫從諫從子積李 佐之李師晦李丕

突厥

吐蕃

回鶻

沙陀

北狄 契丹 奚 室韋 黑水 靺鞨 渤海

東夷 高麗 百濟 新羅 日本 流鬼

西域 泥婆羅 黨項 東女 高昌 吐谷渾 焉耆 龜茲 跋祿迦 疏勒 于闐 大 摩揭它 罽賓 康 甯遠 大勃律 吐火羅 謝朶 識匿 箇失密 骨咄

蘇毗 師子 波 斯 拂菻 大食

南蠻 南詔 蒙巂 詔 越 析 詔 浪 穹 詔 濠 詔 施 浪 詔 和 環 王 盤 盤 扶南 真臘 訶陵 投 和 瞻博 室利佛逝 名蔑 單單 驃 兩 巂 蠻 南平 獠 西原 蠻

全

一

包

唐

姦臣

許敬宗 李義府 傅游藝 李林甫 陳

暉 張廷範 盧杞 崔胤 崔昭緯 柳璨 蔣玄

叛臣

僕固懷恩 周智光 梁崇義 李懷光

陳敬瑄 王行瑜 李少游 李鉤 李忠臣 喬琳 高駢

逆臣

安祿山 子慶緒 高尚 孫孝哲 史思明 子朝

昌 義 李希烈 朱泚 黃巢 秦宗權 董

廿一史約編

吳興 鄭元慶 莊睦 述

同學 吳以選 青臣 吳鳴鶴 孚九

沈端學 既為 陳洙 選字 宣 參訂

唐書

宋歐陽修字永叔廬陵人觀文殿學士致仕仁宗

公於我為前輩其各何可沒遂於紀傳各列其名

唐高祖

姓李名淵字叔德成紀人諱李高之後祖虎

守進爵為王 尋即皇帝位

太宗 名世民 高

唐書

高宗 名治。太宗九子。

睿宗 名旦。高宗八子。

肅宗 名亨。明皇三子。

德宗 名适。代宗長子。

憲宗 名純。順宗長子。

敬宗 名湛。穆宗長子。

武宗 名炎。穆宗五子。

懿宗 名漼。宣宗長子。

昭宗 名晔。懿宗七子。

中宗 名顯。高宗七子。附武曌。高宗后。

玄宗 名隆。基。睿宗三子。

代宗 名豫。肅宗長子。

順宗 名誦。德宗長子。

穆宗 名恆。憲宗三子。

文宗 名涵。穆宗二子。

宣宗 名忱。憲宗十三子。

僖宗 名儼。懿宗五子。

哀宗 名昞。昭宗九子。

唐高祖 在位九年。號武德。

選用隋宗室

尉遲敬德歸唐

唐高祖李淵舉晉陽精兵。掃除隋室。席捲長驅。擊夏楚。降梁鄭。滅燕涼。俘仁杲。芟武周。剪黑闥。皆秦王世民之功。顧淫汙宮掖。設詐罔眾。臣附突厥。為掩耳偷鈴之計。文靜世讓。功臣也。無罪致死。士及德彝。佞臣也。寵以高官。高祖行事。皆不足有天下。得天下者。繇世民也。向使高祖如文王。建成如太伯。世民如子臧。推刃之釁。何自而生。乃泥立長之說。忘世民之功。容元吉之忌。非高祖為之釀禍耶。

唐書

二

錄

行開元通寶錢

李文通舞劍白劍

帝為太原畱守會天下盜起世民知隋必亡陰與劉
文靜謀舉大事帝未之知也欲以情告懼不聽令宮
監裴寂密選宮人私侍帝因酒酣告之帝大驚寂曰
正為宮人奉公事發當誅耳帝因起兵○詐為勅書
發太原等處民為兵擊匈奴○與突厥相結寂等請
立代王改易旂幟以示之帝曰此可謂掩耳偷鈴○
劉文靜為裴寂所讓劉世讓為突厥所誣俱殺之○
宇文士及妹為昭儀授上儀同封德彝以祕策干帝
遷內史侍郎○太子建成齊王元吉忌世民請誅
之帝不許房玄齡勸世民行周公事伏兵玄武門射
建成元吉為尉遲敬德所殺上謂裴寂等曰不圖
今日乃見此事蕭瑀陳叔達曰建成元吉本不與義
謀又無功於天下秦王功高望重其為奸謀者秦王
已謂而誅之陛下若處以元良委之國務無復事矣
帝曰此吾之風心也遂立世民為皇太子○文王舍
伯邑考而立武王○曹宣公世子子臧乃負芻之兄
宣公卒負芻殺太子自立晉執
之以子臧賢欲立之子臧辭

高祖

唐太宗

在位廿三年號貞觀

唐太宗弱冠起義躬親行陣所向無前史言除隋之暴
比跡湯武良然初封秦王繼命為天策上將即開館以
延賓客十八學士時人謂之登瀛洲及即位二十四人
輔天弘化圖像凌煙在朝踴躍在野皞皞甚至縱囚來
歸幾於刑措乃推刃同氣失教東宮巢刺王妃生子文
成公主和番何閣中多士莫之匡救哉然能以武撥亂
以仁勝殘胡越一家自古無有迄今觀師古王會之圖
閱貞觀政要之冊未嘗不嘖嘖稱歎也

放宮女

習射殿廷

而廷功臣爵

弘文館

除名背刑

死刑五覆奏

三鑑

吞蟬

唐書

三

包

住鷓死懷中

勇鬚和藥

張蘊古上大

賈儼

馬周論事一

字不可增減

喜得薛仁貴

敬德富不易

魏徵獻陵之

虞世南五絕

太宗

十八學士杜如晦房玄齡虞世南褚亮姚思廉李玄道蔡允恭薛元敬顏相時蘇昂于志寧蘇世長薛收李守素陸德明孔穎達蓋文達許敬宗○凌煙閣功臣二十四人長孫無忌王孝恭杜如晦房玄齡魏徵高士廉尉遲敬德李靖蕭瑀段志玄劉弘基屈突通殷開山柴紹長孫順德虞世南張公謹程知節張亮侯君集劉政唐儉李世勣秦叔寶○帝親錄囚見應死者問之縱使還家期以來秋就死仍勅天下死囚皆縱遣來秋悉如期口詣無一人亡匿者帝皆赦之○太子承乾以養刺客被廢○元吉封策刺王妃楊氏帝寵之生皇子明欲立為后以魏徵辰歲之喻乃止○置酒未央宮上皇命突厥南蠻等歌舞笑曰胡越一家自古無有也○顏師古以諸國朝貢者多請圖以示後乃作王會圖○帝嘗謂侍臣曰君依於國國依於民利民以奉君猶割肉以充腹腹飽而身勞君富而國亡夫欲盛而費廣費廣則賦重賦重則民愁民愁則國危國危則君喪朕嘗以此思之故不敢縱欲也

唐高宗

在位卅四年號永徽顯慶龍朔麟德乾封總章咸亨上元儀鳳調露永隆開曜水滄弘道

引刺史問民

取人

王義方叱義

府

許敬宗謚謬

唐書

四

魏

唐高宗類貞觀未幾溺情嬖媚甘蹈聚麀瀆亂人倫何至於此王后初忌淑妃寵召武尼入宮乃斷手足投酒甕后妃同受其慘而武尼竟立為后非李勣許敬宗為之慫恿耶遂良貶無忌殺寵笑刀之人猶用北門之學士天下大權悉歸天后中外雖曰二聖而帝竟若贅旒信哉矧奴懦不能守社稷矣太子即醜賢又廢黜愛子且不保何況其他嗚呼女主之惡可勝言哉

推榮讓東

張公藝九世同居書百忍

李以進

李善感鳳陽

則天年號
嗣聖 交明
光宅 垂拱
永昌 天授
載初 如意
長壽 延載
天冊萬歲
證聖
萬歲通天
萬歲登封
神功 聖應
久視 大足
長安
徐敬業起義
鑄醜受疏
以僧懷義為

高宗

太宗命長孫無忌褚遂良受顧命曰朕佳兒佳婦悉以付卿。○太宗才人武氏名豐賜號娥媚。太宗崩出為尼。帝見而悅之。王后陰令其長髮納之。後宮欲以問蕭淑妃之寵。帝大幸之。拜為昭儀。未幾欲立為后。遂良堅以為不可。帝問李勣。勣曰：「此陛下家事，何必問外人？」許敬宗曰：「田舍翁多收十斛麥，尚欲易婦，何況天子？帝意乃決。於是貶遂良。○武氏斷后妃手足，投酒甕中。曰：「令二姬骨醉。」妃曰：「願武為鼠，吾為狗。」生生世世扼其喉。○武后深怨無忌，令敬宗誣以謀反，殺之。○李義府笑中有刀，又柔而害物。號曰人貓。○元萬頃等密召入禁，參決政事。人謂北門學士。○后稱天后。帝每視朝，后垂簾於後，謂之二聖。○帝小字雉奴。初，太宗謂無忌曰：「雉奴懦弱，不能守社稷。」太子弘數忤后旨，醜之。又廢太子賢為庶人，立皇孫重照為皇太孫。王方慶曰：「未聞太子在東宮而更立太孫者。」帝曰：「自我作古，可乎？」○新豐縣有山湧出，高二十丈，旁有池，周二百畝，具龍鳳之形。未委之異，武后以為瑞，名之曰慶山。

唐中宗

在位五年，號神龍景龍。○附武后。僭位廿一年，改國曰周，號十九。

唐中宗為武曩所廢，竄居房州。久罹幽辱，賴五王之力，得反周為唐。易之昌宗既斬，庶下，即當以大義數曩之罪，賜之死，而滅其宗。庶足慰在天之靈，乃不能聲討，而曰：「母實生我，其誰敢怨？」遂從容傳位，復上顯號，故不旋踵而韋后肆行敗度。委事三思，帝則黜宮中之雙陸，縱妖女之斜封，信五狗而殺五王，為和事天子而已。淫亂罔聞，逆謀旋起，至遭毒身之慘，嗟嗟！既不能化母，又不能制妻，下愚不移。中宗之謂歟。

唐書

五

包

白馬寺主
狄仁傑奏焚
淫祠獨存其
四
獬豸何嘗識
字
箕師德睡面
自乾
九月梨花
蘇味道模稜
桃李悉在公
門
蓮花似六郎
兩足狐賦
三無坐處
葉志忠上桑
條
章歌十二篇

武后廢帝為廬陵王居房州十四年召還東宮又七年○五王張柬之敬暉桓彥範袁恕已崔元暉○張易之張昌宗皆私侍武后者后以太宗才人壽感嗣帝罪一戕殺王母罪二黜中宗而奪之罪三殺君之子三人罪四目立為帝罪五廢唐宗廟罪六誅鍾宗室罪七穢德彰聞罪八尊用酷吏毒痛四海罪九○帝使韋后與武三思雙陸而自為之點籌○安樂長甯公主上官婕妤等倚勢用事降墨勅除官糾封付中書○周利用冉祖雍李俊宋之遜姚紹之皆三思耳目人謂五狗○崔琬彈宗楚客帝命結為兄弟以和解之時人謂之和事天子○景龍初於修文館置大學生四員學士八員直學士十二員以象四時八節十二月凡天子游豫惟宰相及學士得從春幸梨園並渭水祓除則賜細柳圍辟瘴夏宴葡萄園賜朱櫻秋登慈恩浮屠獻菊花酒稱壽冬幸新豐厖白鹿觀上驪山賜浴湯池給香紛蘭澤帝有所感即賦詩學士屬和一時競豔之然皆狎猥佻佻無君臣體

中宗

唐睿帝 在位三年號景雲 先天太極延和

天星散落如
雲
暴武三思屍
復五王官爵

唐睿宗不能討韋后之淫亂迫臨淄王一起即廢重茂而安社稷誠以子之功而立也臨淄既封為平王上有宋王為之兄東官未屬賴劉幽求等苦諫宋王又固辭而平之儲位乃定夫宋王非即泰伯志哉秦伯不逃則王季不得立宋王不讓則平王不得為太子故有平王之大功不可無睿宗之早禪傳德避災其志固已決矣而不能盡釋萬幾以致太平亂逆聞變登樓智者豈如是乎

唐書

六

魏

復斜封言

始置經略節度使

始置十二道按察使

睿宗

武后廢中宗而立帝。及改國號周。廢為皇嗣。封相王。中宗復位而崩。太平公主等立重茂為帝。臨淄王起兵討韋氏。并誅其黨。廢重茂。請帝即位。帝將立太子。以宋王長平王有功。疑不能決。宋王辭曰。國家安則先嫡長。國家危則先有功。苟違其宜。四海失望。臣死不敢居平王之上。涕泣固請者累日。於是立平王為太子。○彗星出西方。入太微。太平公主使術者言於帝曰。彗星以除舊布新。又帝座及心前星皆有變。皇太子當為天子。帝曰。傳德避災。吾志決矣。遂傳位太子。帝為太上皇。一切大政。猶決於已。後太平公主與玄宗有隙。遂與竇懷貞等謀廢立。王琚等具言其狀。玄宗乃執懷貞等斬之。上皇聞變。登承天門樓。公主賜死於家。○玄宗既立。嘗遣宋王書曰。魏文帝詩云。西山一何高。高高殊無極。上有兩仙童。不飲亦不食。賜我一丸藥。光耀參五色。服之四五日。身體生羽翼。朕每思之。服藥而求羽翼。甯如兄弟天生之羽翼乎。後諸王繼薨。宋王獨在。帝更加友愛。其薨也。哭之慟。追謚讓皇帝。

唐玄宗

在位四十三年。號開元。天寶。

煮藥蒸鬚
焚珠玉繡帛
勸政務本樓
置採訪使
追謚孔子為文宣王
置太公廟
御樓觀燈大
置左右教坊

唐明皇友愛兄弟。為長枕大被。設五幄。建花萼相輝之樓。姚宋張韓。相繼作相。甯自瘖以肥天下。漸致太平。末幾倚口蜜腹劍之奸。成羅鉗吉網之酷。殺三子。納子婦。寵安祿山。使其出入禁中。拜楊貴妃為母。結緣苟合。為錦繡大襪。祿裹赤心兒。以綵輿昇之。賜妃洗兒金銀錢。復厚賜祿山。以縱其歸。致漁陽叢起。黃屋蒙塵。大河以北。無堅城。二十四郡無義士。劍門道上。烏啼花落。無非悲悼。悔何及歟。

唐書

七

絕

張九齡上干
秋金鑑錄

姚崇救時宰
相

盧懷仁伴食
宰相

鄭虔柿葉肄
書

王鉷聚斂
張夷白

安祿山僭元
聖武凡二年

子慶緒僭元
載初天成天
和凡一年

明皇

開元之相姚崇尚通宋璟尚法張嘉貞尚吏張說尚
文李元紘杜暹尚儉韓休張九齡尚直各有所長
帝嘗引鑑默不樂左右曰自韓休入朝陛下無一日
歡何不去之帝曰吾雖瘡天下肥矣○世謂李林甫
口有蜜腹有劍○吉溫羅希夷皆隨林甫所欲鍛鍊
成獄時謂羅鉗吉網○太子瑛鄂王瑤光王琚皆賜
死○納壽王妃楊氏為貴妃妃三姊皆美劬帝呼為
姨歲賜錢百萬為脂粉費兄誥以上柱國門列戟國
忠遙領劍南五家第舍聯互擬宮禁每十月帝幸華
清宮五家車騎皆從家別為隊隊一色俄五家隊合
爛若萬花川谷成錦繡國忠導以劍南旗節遺鉞墮
烏瑟瑟璣珠狼籍於道香聞數十里○安祿山腹垂
過膝上戲曰此胡腹中何所有其大乃爾對曰止有
赤心耳天寶九年賜爵東平郡王兼領三鎮十四年
反於漁陽僭稱雄武皇帝國號大燕河北郡縣皆風
靡帝曰二十四郡曾無一義士耶遂幸蜀謂侍臣曰
此去劍門鳥啼花落處處山青無非助朕悲悼

唐肅宗

在位七年號至德
乾元上元寶應

唐肅宗以國之元子收兵靈武反旆而東不失舊物可
謂能矣乃愛張良娣任李輔國殺太子遷上皇何多失
德也聽李泌遠引衡山郭李元勳令魚朝恩節制宮人
武士為菩薩金剛而日月食之變不聞修省節度由軍
士廢立反授以節鉞承襲故江淮雖平思明雖殺而楚
州河東朔方之軍仍亂於外張后越王亮王之殺忽亂
於內上不保其父中不保其身下不保妻子而國祚尚
存天其未厭唐德乎

第五琦善理
財

雷海青擲樂
器於地

李泌衣白山
人

誦黃臺瓜辭

郭子儀克復
兩京

李峴直言

史思明僭元
應天順天凡
三年子朝義
僭元顯聖凡
一年

明皇避難至馬嵬驛陳元禮等以禍由楊國忠殺之
又請誅貴妃明皇不得已令高力士縊死貴妃將發
馬嵬父老遮道請留明皇命太子宣慰之父老共擁
太子至靈武即位。帝與張良娣博打子聲聞李泌
諫之乃刻乾樹雞為子擲之不響良娣以是怨泌。
張后與輔國讒殺太子倓又言上皇與外人交通矯
詔劫遷西內。上命郭子儀李光弼等九節度討安
慶緒以宦官魚朝恩為觀軍容使。置道場於三殿
以宮人為佛菩薩以北門武士為金剛神主。平盧
節度王志元卒裨將李懷玉殺其子推侯希逸為節
度朝廷許之。江淮都統劉展反田神功討平之。
史思明初黨祿山後降復反僭稱應天皇帝國號燕
已而慶緒求救於思明思明殺之思明亦為其子朝
義所殺後朝義之將田承嗣以莫州降朝義縊死。
楚州牙將高幹殺刺史李藏用河東兵亂殺節度鄧
景山朔方王元振作亂子儀平之。后忽欲殺輔國
輔國使程元振逼后下殿帝驚悸而崩遂殺后及越王充王。

唐代宗

在位十七年號
廣德永泰大曆

漕運推劉晏
為首

郭子儀自耕
百畝

唐代宗殺李輔國削程元振縊魚朝恩誅元載亦英毅
哉李郭懷恩輩與帝少同患難者也何即位後因元載
不容匿泌於江西子儀功蓋天下平時置之閒處有事
則召之致懷恩六罪自訟作寇太原帝之待功臣多未
得其當矣尤可笑者置百高座講仁王經幸章敬寺賜
孟蘭盆而胡禿封公逐殺節度者命知留後權知留後
者旋為節度擅殺兵馬者即與刺史紀綱大壞不能復
振非肅宗開於前代宗繼於後歟

魚朝思判國子監

朱泚獻猫鼠同乳

代宗
帝謂李泌曰。元載不容卿。朕今匿卿於魏少遊所。吐番入寇。上幸陝州。長安剽掠一空。子儀聞廢日久。至是命鎮咸陽。以禦之。吐番乃遁。僕固懷恩戰功無比。為人構陷。憤怨殊深。上書自訟曰。臣罪有六。為先帝掃清河曲。一也。男玢陷虜。亡歸。斬之以令眾士。二也。二女遠嫁。為國和親。三也。身與男瑒。為國効命。四也。河北新附。撫安反側。五也。說諭回紇。使赴急難。六也。遂稱兵反。胡僧不空。官至卿監。爵為國公。李懷玉。逐侯希逸。詔懷玉為留後。朱希彩殺李懷仙。命希彩知留後。李希烈逐李忠臣。詔以希烈為留後。李懷瑗殺朱希彩。朱泚權知留後。詔以泚為節度。李靈曜殺孟鑒。詔以靈曜為刺史。子儀子暉。尚昇平公主。嘗與爭言。暉曰。汝內乃父為天子。我父薄天子。而不為。公主奏之上。子儀囚暉。入待罪。帝曰。諺有之。不癡不聾。不為家翁。見女子閨房之言。何足聽。郇模獻三十字。一字為一事。京兆以問。帝召見。其言團請罷諸州團練使也。言監請罷諸道監軍也。他字率類此。

唐德宗 在位廿五年號建中興元貞元

楊炎作兩稅賦
築奉天城
醉人為瑞
劉晏常平鹽
陽城撫字心勞徵科政拙考下下

唐德宗有削平藩鎮之志。但志大而才小。不能成大事。而任楊炎。盧杞為相。好貨斥賢。以名稱王。僭帝之亂。如奉天。走梁州。乘輿播遷。時尙有陸贄諸賢。苟痛除前過。共謀新圖。庶幾太平。有日。乃還宮。以來。刻意聚斂。李兼為月進。韋皋為日進。用裴延齡。則貶陸贄。信張延賞。則疑晟。燧。渾瑊。闕外之寇未平。京城之盜先起。藩鎮強而王室弱。宦官寵而國命危。貪政多而民心畔。帝曰。此亦天命。非由人事。豈其然耶。

李希烈僭元
武成凡四年

朱泚僭元應
天天皇凡一
年

官市

白望
柳渾頭可斷
舌不可禁

李程八碑學
士

德宗

括富商錢括餽櫃質錢行稅間架除陌錢稅茶等法
○朱滔自稱冀王田悅稱魏王王武俊稱趙王李納
稱齊王○平盧節度李希烈反僭稱帝國號楚其將
陳仙奇殺而獻之○涇原節度姚令言兵亂帝幸奉
天令言奉故盧龍節度朱泚為主僭稱大秦帝尋改
漢李懷光李晟合兵討之泚遁其將韓旻殺而獻之
懷光欲見帝言盧杞奸佞不得入見怨望久之亦反
帝奔梁州馬燧討之懷光縊死○上以奉天窘乏故
還宮以來尤好聚斂藩鎮多以進奉市恩李兼在江
西有月進之人韋皋在西川有日進之人刺史進奉
自裴肅始幕僚進奉自嚴綬始○裴延齡日短陸贄
於上尋貶贄為忠州別駕○李晟馬燧渾瑊良將也
相張延賞則疑之○上初與陸贄語及亂故深自刻
責贄曰今日之事皆羣臣之罪也帝曰此亦天命非
由人事○郭子儀每見賓客姬妾不離側盧杞往問
疾子儀悉屏之或問其故儀曰杞貌醜而心險婦人
輩見之必笑他日杞得志吾族無類矣其周慎如此

唐順宗 百位一年 號永貞

休主傳授叔
文主裁可

唐順宗為太子留心藝術善隸書從幸奉天朱泚逼道
帝乘機拒戰德宗權歸宰相人不敢言帝從容論諍每
多敷奏未嘗以顏色假借宦官居儲二十年天下陰受
其福及即位以風瘖未愈制出帷中追陸贄陽城免天
下諸色逋負罷進奉宮市五坊小兒皆政之善者故順
宗之八月愈於德宗二十五年也不幸嬰疾政在二王
而八司馬之黨交構縱橫人情噂沓乃從韋皋之請傳
位冢嗣以安社稷不亦賢乎

陸滔有功春
秋而名在八
司馬之冠

唐書

杜黃裳請太子監國

追陸贄陽城赴京師未聞詔先卒。○鵬坊。鵠坊。鷓坊。鷹坊。狗坊。閒廐使押之以供時狩者。○帝居深宮。獨宦官李忠言。昭容牛氏侍左右。而王伾。王叔文最用事。叔文依伾。伾依忠言。忠言依昭容。轉相交結。外則陸淳。呂溫。李景儉。韓璿。韓泰。陳諫。柳宗元。劉禹錫等。采聽外事。謀議唱和。日夜汲汲如狂。號八司馬黨。士大夫畏之。道路以目。○韋臯上表曰。陛下哀毀成疾。請權令太子親監庶政。又上太子箋。請奏聞王叔文。過惡斥逐羣小。使政出人主。則四方獲安。俄而荆南。裴均。河東。嚴綬。箋表繼至。意與臯同。而邪黨震懼。帝遂傳位太子。○叔文及其黨十餘家之門。車馬如市。客候見叔文。伾者。至宿其坊中。餅肆酒壚下。一人得千錢。乃容之。伾尤關其專。以納賄為事。作大匱貯金帛。夫婦寢其上。○上御宣政殿。冊太子。百官階。太子儀表退。皆相賀。至有感泣者。中外大喜。而叔文獨有憂色。口不敢言。但吟杜甫題諸葛亮祠堂詩曰。出師未捷身先死。長使英雄淚滿襟。聞者晒之。

王貶竄

順宗

唐憲宗 在位十五年 號元和

杜黃裳不得久相

唐憲宗發憤為雄。志平僭叛。所向有功。任用高崇文。李愬。并度。均藩。絳。諸賢。各稱其才。中興之名。於斯為盛。顧晚節不終。竟罹弑禍。咎在信宦官。喜進奉。崇異端而已。夫宮中所對。惟宦豎女子。此吐突承瓘所以親也。數進美餘。以供其費。此程昇。皇甫鏞所以相也。好神仙。迎佛骨。此柳泌所以官。韓愈所以貶也。未幾金丹藥發。燥渴病生。為陳弘志所弑。諱言暴崩。既不能享長生之樂。而身罹不測。求仙媚佛。亦何益哉。

李吉甫撰元和國計簿

唐書

十二

包

憲宗

西川節度劉闢反命高崇文將兵討之擒送京師。鎮海節度李錡反張子良擒送京師。成德節度王承宗不奉詔命吐突承璀討之并誘昭義節度盧從史執送京師。彰義節度吳少陽卒其子元濟匿喪自領軍務尋反縱兵侵掠李愬襲蔡州雪夜擒之檻送京師自廣德以來垂六十年藩鎮跋扈河南北三十餘州自除官吏不供貢賦至是盡遵朝廷約束。裴度在相位知無不言裴瑄竭誠輔佐帝問為理之要何先瑄對曰先正其心李藩位平章會河東節度王謬賂權近求宰相上密詔中書謬可兼宰相藩遂取筆減宰相字署其左曰不可時權德輿失色曰不可宜別為奏奈何以筆塗詔藩曰事迫矣出今日便不可止卒寢其命李絳嘗以盛暑對延英帝汗浹衣絳欲趨出帝曰朕宮中所對惟宦豎女子殊溷人意與卿談天下事固甚樂也。山人柳泌能合長生藥言天台多靈草拜台州刺史。迎佛骨至京師韓愈切諫貶潮州刺史。白居易作樂府百餘篇規諷時事流聞禁中拜翰林學士。

柳宗元梓人
郭橐駝種樹
傳

白居易香山
九老

唐穆宗 在位四年
號長慶

唐穆宗。誅李直臣。用李聽。復韓愈。免欠錢。庶幾知要矣。但忍父之仇。而徒以口體悅母。可謂孝乎。今日幸清華。明日畋驪山。何遨遊無度也。聽蕭儉。段文昌。無故起銷兵之議。致幽州成德相繼告亂。朱克融。史憲誠。王庭湊。跋扈不恭。當誅者赦之。使雄藩日無天子。裴度元臣宿望。既留守輔。復罷僕射。此何為者。元稹。李逢吉。詎知天下事由是再失河朔。不能復取。徒信方士。餌金石藥。以至疾作。何前車不鑒。復蹈故轍哉。

李愬素服流
涕

裴度有將相
全才

牛李之怨愈深

李德裕宗閔各分朋黨

穆宗

宿州刺史李直臣坐贓牛僧孺請誅之。將軍李聽有良馬帝為太子時求之不得帝曰李聽不與朕馬是以可任遂用之。復韓愈為京兆六軍不敢犯法私相語曰此尚欲燒佛骨頭何可犯耶。幽州軍亂囚節度張弘靖推朱克融為留後詔為平盧節度。成德兵馬使王庭湊殺節度田弘正自稱留後詔為成德節度。相州軍亂殺刺史邢澐。魏博將史憲誠殺節度山布諂以憲誠為節度。詔留裴度輔政尋罷為右僕射。宦官崔潭峻薦元稹知制誥朝論鄙之會同僚食瓜閣下有青蠅集其上武儒衡以扇揮之曰適從何來遽集於此同僚皆失色。稹長於詩與白居易並名天下傳諷號元和體往往播之樂府宮中呼為元才子。李逢吉同平章事結交王守澄勢傾朝野。帝見柳公權書跡愛之問曰卿書何能如是之善對曰用筆在心心正則筆正帝默然改容知其以筆諫也。柳公綽為節度過鄧縣有二吏一犯贓一舞文眾謂必殺犯贓者公判曰贓吏犯法法在奸吏亂法法亡竟誅舞文者。

唐敬宗 在位二年 號寶曆

臧落温御史

崔發擒曳中使

唐敬宗甫立二年酒酣遇弑亦可悲矣。知裴度之賢誣謗盈耳不為動搖用之為相如諫幸東都諫索勅使皆悅從之復厚待韋處厚李絳李德裕雖八關十六子附麗用事不害諸賢之進假令天永其年未始不可望治也。奈遊幸無常比昵羣小西頭之勢重於南衙夜獵擊毬禍生滅燭嗚呼敬宗弑絳王立絳王殺江王立兩日之內宦官凡三易主而裴度身為上相置若罔聞賢者如此況其他乎。

唐書

十四

傳

裴度失印

張權輿諫幸
驪山

裴度求入朝逢吉之黨百計毀之先是民謠云緋衣小兒坦其腹天上有口被驅逐又長安城中有橫互六岡如乾象度宅偶居第五岡張權輿上言度名應圖讎宅占岡原不名而來其旨可見帝雖年少悉察其誣謗以為同平章事○帝欲幸東都度諫而止○朱克融執留勅使帝欲索之度曰克融無禮已甚殆將斃矣願陛下勿遣宣慰亦勿索勅使帝從之未幾克融果被殺○李德裕獻丹晨六箴一曰宵衣二曰正服三曰罷獻四曰納諫五曰辨邪六曰防微帝優答之○時李逢吉用事所親厚者張又新李仲言李續之李虞劉棲楚姜洽及張權輿程昔範又有從而附麗之者時人目為八關十六子○時宦官放恣高元祐曰今西頭之勢重於南衙樞密之權過於宰相○帝最好擊毬夜獵還宮與宦者廿八人飲酒帝酒酣入室更衣殿上燭忽滅劉克明等弑帝於內室遂矯稱帝旨立絳王悟王守澄等弑之立江王涵是為文宗。

敬宗

唐文宗 在位十四年
號太和開成

出昌人放
犬省冗食
李德裕籌邊
樓

唐文宗深知兩朝之弊恥為凡主拔殺陳弘志鳩死士守澄天下快心劉蕡雖直言下第而戒宦官勿衣羅縠其志亦銳乃不商於忠賢之宋申錫而欲仗鄭注李訓以消積蠱知其必無成功也甘露之變用甲兵於殿城天子震驚于門流血公卿要領入於刑餘之手而帝卒受制家奴終其身徒有赧獻之比涕泣之悲不敢言及宦官以至仇士良等矯詔廢立為禍益烈其君道可知而周墀以堯舜諛之鄙矣。

唐書

十五

飽

杜牧罪言

柳公權有諍
臣風采

文宗

元和以來宦官日橫帝親策制舉人劉蕡對策直言其禍竟下第物論譁然曰劉蕡下第吾輩登科能無厚顏○鄭注李訓等謀誅宦官適有奏稱左金吾廳事後石榴夜有甘露帝命中尉仇士良等往視至左仗風吹幕起見執兵者甚眾士良驚走詣上告變金吾兵登殿縱殺宦官士良等命禁兵殺訓注等及金吾吏卒與民估販在中者數千餘人○帝自甘露之變意忽忽不樂但飲酒求醉一日問周墀曰朕方前代何主墀曰堯舜帝曰朕豈敢比堯舜所以問卿者何如赧獻耳夫赧獻受制強諸侯今朕受制於家奴始不如也因泣下沾襟不復視朝○士良等以太子立不由己矯詔廢之而立湮為皇太子兄為武宗○魏州軍亂殺節度史憲誠推何進滔知留後詔以進滔為魏博節度興元軍亂殺節度李絳虛龍將楊志誠逐節度李載義詔以志誠為留後○時宦豎擅權縉紳道喪裴度不復有經濟意乃治第東郡作別墅具煥館涼臺號綠野堂波激其下與白居易易劉禹錫為文章把酒窮晝夜相權

唐武宗

在位六年
號會昌

記羣臣言事
毋得乞留中

在位時大臣
詰

唐武宗首召李德裕國之大本已定度越尋常萬萬矣天肅代以降內莫甚於奄侍外莫大於藩臣自德裕相而澤潞平三鎮不敢有異志不但駕馭藩臣亦且善制奄侍故士良去謂其黨曰天子不可令閒若讀書親近儒生則吾輩疎矣帝能力除浮屠盡髮天下僧未幾築望仙受法錄或為教授先生或為崇元學士闢佛信道仍歸異端金丹疾發猶信以為換骨竟成不諱豈非自

貶伊戚耶

唐書

十六

魏

李德裕陳出
行三弊

李中少判謫

武宗

德裕性孤峭有經濟大略帝任之言聽計從唐室幾
中與其所居安邑第有起草院精思亭每計大事則
處其中雖左右侍御不得預也宣宗即位貶為崖州
司戶參軍尋卒後見夢令狐綯曰公幸哀我使得歸
葬綯語其子高澹曰執政皆其憾可乎既夕又夢綯
憫因言於帝得以喪歸初為浙西觀察使亳州浮屠
詭言水可愈疾號曰聖水江南人爭往汲之水斗三
十干奸人他汲以相欺誅德裕捕絕之因上言昔吳
有聖水齊有聖火皆本妖祥古人所禁請令填塞以
絕妄源詔從之時憲宗方迎數百歲人周息元於浙
西德裕亦疏論其誕妄○昭義節度劉從諫卒其子
稹自為留後德裕言潞澤事體與河朔三鎮不同請
詔諸道討之後稹之謀主郭誼殺稹來降德裕言於
帝曰劉稹拒命皆誼之謀今責稹以求賞不殺之無
以懲惡帝命斬之德裕復面諭三鎮由是三鎮不敢
有異志○築望仙觀於禁中以趙歸真為道門教授
先生道士劉元靜

崇元館學士

唐宣宗 在位十三
年號大中

諸刺史毋得
列徒

帖李行名於
殿柱

唐宣宗立為皇太叔。只有隱德。深自韜晦。及即位。謹飭
節儉。惠愛民物。書貞觀政要於屏。焚香盥手。以讀章奏。
對羣臣如賓客。無惰容。克成先志。而復河湟。威懾優伶。
而刑羅視。明察沉斷。用法無私。故大中之政。人思咏之。
謂之小太宗。然郭太后暴崩。遷四主出廟。何為獨虧大
本耶。裴休請早建太子。帝曰。若建太子。則朕遂為閒人。
直至餌藥疽發之後。密以子之非次。託孤宣寺。亦何濟
哉。

唐書

十七

卷

庭 願牧近在禁

魏暮綽有祖

宣宗 帝臨御宰相奏事威嚴不可仰視奏事畢忽怡然曰可以閒語矣因問閭閻細事或談宮中遊宴無所不至一刻許復整容曰卿輩為之朕常恐卿輩負朕後日不復得再相見乃起入宮○帝曰憲宗有志復河湟今克成先志矣○樂工羅程有寵殺人眾工求免死帝曰汝曹所惜者羅程藝朕所惜者高祖太宗法竟殺之○視漢貞寵冠諸優干預政事流之天德軍○帝疑憲宗之崩郭太后預謀郭之暴崩或曰帝弒之○李景誕言穆宗乃陛下之兄敬宗文宗乃兄之子拜兒尙可拜姪可乎以是遷四主出太廟○帝創藥疽發於背宰相不得見密以第三子夔王滋囑宦官王歸長等輔立之中尉王宗實殺歸長乃立懿宗○于延陵為建州刺史入辭帝曰建州去京師幾何對曰八千里帝曰卿到彼為政善惡朕皆知之勿謂其遠此階前則萬里也卿知之乎○合狐綯擬李遠刺杭州帝曰吾聞遠詩云長日惟消一局棋安能理人綯曰詩人託此為高興耳未必實然帝曰且令往試觀之

唐懿宗 在位十四年號咸通

葉京識監軍之劍

令狐滄號白衣宰相

唐懿宗溺愛同昌嫁葬無度猶其小者而在其夫韋保衡及路巖為相遂至中官擅權四方盜起軍逐其師民遂其主於斯時也天下殆哉龐勛造逆毒徧中原康承訓李國昌共討平之最為有功反為牛頭黨所譖是信姦讒之輩陳忠直之人帝之釀禍譬揚火也復加薪焉禍甯有止耶彗星三尺指以為瑞其愚更甚迎佛骨曰朕生得見之死亦無恨不數月即晏駕事佛求福乃更得禍不益信哉

幸安國寺設萬人齋

蕭敬上疏諫奉佛

帝愛同昌公主。傾宮中珍玩以爲嫁資。賜第。窗戶皆飾雜寶。并欄。藥曰亦以金銀爲之。公主卒。帝痛悼不已。殺醫官二十餘人。收其宗族三百餘人。下獄。物議沸然。○韋保衡路巖二人。勢傾天下。人謂之牛頭黨。○路巖罷相。出鎮西川。出城。路人以瓦礫擲之。巖白京兆尹薛能。能曰。河來宰相。出庭。司無例。發人防衛。巖甚慚。○浙東賊裘甫攻陷象山。官軍屢敗。○徐州軍亂。逐其節度溫璋。光州民亂。逐其刺史李弱翁。○桂林戍卒龐勛作亂。眾至十萬。康承訓朱邪赤心共討平之。賜赤心姓名李國昌。○彗星長三尺。司天監奏按星經。是念譽瑞星。主大喜。請宣示中外。帝從之。○迎佛骨至京。羣臣言。憲宗迎佛骨。身屢駕。帝曰。朕生得見之。死亦無恨。及至上。降樓膜拜。流涕沾臆。迎入禁中。○時宦官多閩人。杜宣猷爲福建觀察使。每寒食。遣吏人分祭其先。壟宦官德之。陞宣欵觀察使。時人謂之勅使。墓戶。○陝州觀察崔彘以器韻自矜。不親政事。民訴。彘指庭前樹曰。此尚有葉。何旱之有。杖之。民怒。逐彘。彘走。渴求飲。民以溺飲之。

懿宗

唐僖宗

在位十五年。號乾符。廣明中和光啓文德。

賜京保衛死

南牙北司互相矛盾

兩市戲迎劉瞻

唐僖宗專事嬉遊。自誇擊毬狀元。戮忠拒諫。盜起民愁。黃巢破長安。車駕遷巴蜀。賴李克用。鴉軍神武。滅巢回纥。備加以上將。委之重任。事尙可圖也。奈何有復唐之大功。朱全忠輒欲殺之。赴訴朝廷。兩無予奪。致克用之怨不伸。全忠之惡益肆。帝復倚任北司。至呼田令孜爲阿父。縱其驕橫。克用引兵問罪。劫駕再奔。秦鳳寶雜播遷無地。天下莫不痛心。嗟乎。令孜雖流復恭。又出全忠更熾。唐亡可立俟矣。

黃巢僭元金
統凡五年

李克用獨眼
龍

秦宗權僭稱
帝

僖宗

帝謂優人右野猜曰朕若應擊球進士第須為狀元
對曰若遇堯舜作禮部侍郎恐陛下不免駁放帝笑
○忠諫謂侯昌業孟昭常潘等○黃巢善騎射在
俠屢舉進士不第與王仙芝同作亂仙芝敗巢自稱
衝天大將軍入據長安帝走興元巢僭稱大齊皇帝
李克用引兵奮擊大破之收復長安巢眾殆盡其甥
林言斬巢兄弟妻子首以降○克用兵皆衣黑賊憚
之曰鴉軍至矣當避其鋒○巢將朱溫見巢兵勢日
蹙知其必亡遂以華州降賜名全忠○克用至汴州
全忠襲之克用走還前後入表稱全忠陰狡禍賊他
日必為國患乞詔削其官爵臣自帥本部兵討之帝
累遣楊復恭等諭旨稱吾深知卿寃方事之殷姑存
大體克用終不能平○宦者田令孜驕橫克用表請
誅之詔和解焉克用不服引兵逼京師令孜夜奉帝
出幸鳳翔克用表請還宮因罪狀令孜請誅之令孜
引兵劫帝如寶雞至興元自為西川監軍知不為天
下所容乃薦楊復恭為中尉及克用追
逼乘輿削令孜官爵流瑞州帝還長安

唐昭宗

在位十五年號龍紀大順
景福乾甯光化天復天祐

遷都洛陽

唐昭宗當積亂之時天子徒存其名克用力匡二難再
存唐室使信任不疑則太原之勢常重而三鎮諸奄猶
未敢肆害也孰意始有圍十六宅之變韓建藩臣也而
諸王盡殺矣繼有幽帝少陽院之變劉季述奄奴也而
畫地數罪矣崔胤召全忠討誅季述而韓全誨又劫帝
西幸乘輿復返而全忠又劫帝東遷帝泣謂侍臣曰紇
干山頭凍散雀何不飛去生處樂朕今漂泊不知竟落
何所之數語也聞者悲之

鄭啓歇復詩

昭宗

李克用夾板
鋸孫揆

靖難節度王行瑜鳳翔節度李茂貞同華節度韓建各稱兵犯闕帝奔石門。韓建與劉季述締制發兵圍十六宅。諸王披髮升屋呼曰。宅家救兒。建盡殺之。帝與崔胤密謀欲盡誅宦官。季述乃引兵入以所持鈿杖畫地責帝曰。某日某事。爾不從我罪一。某日某事。爾不從我罪二。數至數十。遂囚之。少陽院鎖門。錮之。矯詔立太子裕。崔胤召全忠討誅季述等。帝復位時。全忠茂貞各有挾天子令諸侯之意。全忠表請駕幸東都。京師大駭。中尉韓全誨等引兵劫帝如鳳翔。全忠進攻鳳翔。茂貞出戰。累敗。帝及從言皆凍餒。於是茂貞殺全誨等二十人。以示梁軍。而出帝以為解。是時全忠迎帝。自為執轡。且泣且行。見者咸謂其忠。未幾復殺崔胤。逼帝東徙。至華州。民夾道呼萬歲。帝泣曰。勿呼萬歲。朕今不復為汝主也。見何后泣。后曰。自今大家夫婦委身全忠矣。時從遷洛陽者僅小黃門十數人。打毬供奉。內園十兒輩二百餘人行至穀水。全忠教醫官許昭遠告其謀亂。悉殺而代之。自是帝左右皆梁人。全忠遂行弑焉。

重昌僭稱帝

唐哀帝 在位三年
仍號天祐

柳璨不四年
為相

唐哀帝踐祚。止以舊號紀年。舉朝狗苟。無有敢言之者。致全忠恣行無忌。將德王九人。悉縊殺之。投九曲池中。復殺裴樞等三十餘人。使為濁流。殺人如草芥。視君如孤豚。欲求傳禪之後。子母生全。胡可得哉。全忠初弑昭宗。佯驚哭。言投地曰。奴輩負我。令我受惡名於萬代。濟陰之弑。何寬安。然為之。全忠之罪。上通於天矣。而楊涉身為宰相。亟持璽綬詣大梁。以視殿下之孫供奉。能不槐死耶。

李振賜梟

唐書

三十一

魏

負國賊柳瑑

唐末進退不
定者惟司空
圖

哀帝

德王九人皆昭宗之子。李振屢舉進士不第，故深嫉縉紳之士，謂全忠曰：「此輩自謂清流，宜投之黃河，使為濁流。」全忠笑而從之，遂殺裴樞等於白馬驛。○全忠謀禪代事，何太后使宮人達意求禪代之後子，世生全。○帝下詔禪位於梁，遣楊涉等奉玉冊傳國。至，謂大梁涉子凝，式言於凌曰：「大人為唐宰相，國家至此，不為無過，況手持璽綬與人，雖保富貴，奈千載何？」凝辭之，涉大駭曰：「汝滅吾族，神色不甯，者累日。」○初，昭宗有疾，善拜跪，號孫供奉，全忠篡位，令朝賀，猴望見全忠，即號啼不拜，全忠惡而殺之。○司空圖自唐宗時棄官歸隱，王官谷作休休亭，以自誌曰：「量才一宜休，揣分二宜休，耄而曠三宜休，又少也，情長也。率老也，迂三者皆非濟時用，則又宜休，因自目為耐辱居士。昭宗屢徵不起，柳瑑以詔徵之，圖詣闕，佯為哀野墜笏失儀，於是下詣，速山有詩曰：「多病形容五十三，誰憐借笏趨朝參，嘗為人作碑，得絹數千匹，圖置之虞鄉，恣市人取，一日而盡，時寇盜蠭起，獨不入王官谷，唐亡圖不食而卒。」

附唐藩鎮

天雄軍今北
直大名府統
七州貝博魏
相衛磁洛
成德軍今北
直真定府統
六州恆定易
趙深翼
盧龍軍今北
直順天府統
九州幽薊營
平涿莫檀媯
瀛
平盧軍今山
東青州府統
十二州淄青
濟海登萊沂

天佐 田承嗣廣德二年為節度使，卒，姪悅嗣，弟緒殺之。自立，卒，子季安嗣，卒，子懷諫幼，眾推田弘正入朝，十年復亂，子布嗣，史憲誠殺之，自立，憲誠又遇殺，眾推何進滔卒，子弘徽嗣，卒，子全線嗣，眾逐之，推韓允中卒，子簡嗣，樂彥禎殺之，自立，眾逐之，推羅弘信卒，子紹威嗣，梁開平四年滅。成德 李實臣實應元年為節度使，卒，子惟岳嗣，王武俊殺之，自立，卒，子士真嗣，卒，子承宗嗣，卒，弟承元嗣，王庭湊殺之，自立，卒，子元達嗣，卒，子紹鼎嗣，卒，弟紹懿嗣，卒，兄子景崇嗣，卒，弟紹鏐嗣，為眾所殺。盧龍 李懷仙廣德元年為節度使，朱希彩殺之，自立，希彩遇殺，朱泚代之，泚入朝，弟滔代之，卒，劉怱代之，卒，子濟嗣，子總繼之，自立，入朝，弟張弘靖代之，為眾所囚，推朱克融眾又逐之，推其子种李載義殺之，自立，嗣後楊志誠史元忠張仲武直方周琳張允伸張公素李茂勳可舉李全忠匡威匡籌逐殺不常劉仁恭

唐書

二十二

卷

密曹濮兗鄆

橫海軍今北

直河開府統

四州滄景德

棣

宣武軍今河

南歸德府統

四州汴宋毫

穎

彰義軍今河

南汝甯府統

三州申光蔡

昭義軍今山

西潞安府統

五州鄆邢潞

洛磁

哀帝

代之再

平盧 李懷王承泰元年逐其節度侯希逸而代之賜名

將劉悟

橫海 程日華興元年為節度使卒子懷直嗣眾逐之

同捷嗣拒

宣武 劉元性建中二年為節度使卒子士甯嗣李

彰義 吳少誠貞元二年殺其節度陳仙奇而代之卒

昭義 劉悟見和十四年為節度使卒子從諫

貞元 鎮自安史之後叛以襲叛大歷

唐書

禮樂

明皇知音律酷愛法曲選子弟三百教於梨園聲有誤者帝必覺而正之時宮女數百亦為梨園子弟帝幸驪山楊貴妃生日命張樂長生殿奏新曲未有名會南方進荔枝因名曰荔枝香帝又好羯鼓羯鼓本戎羯之樂其聲焦殺特異開元廿四年升胡部於堂上而天寶樂曲皆以邊地名若涼州伊州甘州之類明年安祿山反諸州皆陷吐蕃

選舉

唐制取士之科其日有秀才有明經有俊士有進士有明法有明字有明算有一史有三史有開元禮有道舉有童子而明經之別有五經有二經有學究一經有三禮有三傳有史料此歲舉之常選也其天子自詔者曰制舉以待非常之才大抵眾科之目進士尤貴其得人亦最盛方其取以辭章類若浮文少實及臨事設施奮其事業隱然為國名臣者不可勝數

唐書

二十三

施

兵制

唐有天下二百餘年而兵之大勢三變其始盛時有府兵貞觀十年置折衝府凡天下十道為府六百三十四而關內二百六十一凡府三等兵千二百人為上千人為中八百人為下府置折衝都尉一人左右果毅都尉各一人其下設屬各有差平居無事則更番宿衛京師有事則命將以出事解輒罷兵散於府耕於野而將歸於朝故士不失業而將帥無握兵之重天寶以後疆騎之法又稍變士皆失拊循折衝諸府至無兵可交於是李林甫遂請停上下魚書自是徒有兵額官吏而戎器駝馬鍋幕模糧並廢矣時府人更番上宿衛者曰侍官言侍衛天子也是時衛佐悉假人為童奴京師人恥之至相詬罵必曰侍官而六軍宿衛皆市人富者販糴綬食梁肉壯者為角觶拔河翹木扛鐵諸戲及安祿山反皆不能受甲矣於是方鎮之兵日盛武夫悍將據要險專方面既有其土地又有其人民又有其甲兵又有其財賦以布列於天下此方鎮所以不得不強而京師不得不弱也方鎮者節度使之兵也此唐兵三變之大

略也

五行

中宗時安樂公主使尙方合百鳥毛織二裙正視為一色旁視為一色日中為一色影中為一色而百鳥之狀皆見以其一獻韋后公主又以百獸毛為韉面韋后則集鳥毛為之皆具鳥獸狀工費巨萬公主初出降益州獻單絲碧羅籠裙縷金為花鳥細如絲髮大如黍米眼鼻背角皆備瞭視者方見之自作毛裙貴臣富家多效之江嶺間奇禽異獸毛羽採之略盡時韋后妹又為豹頭枕以辟邪白澤枕以辟魅伏熊枕以宜男皆服妖也

食貨

唐制度因以步其闊一步其長二百四十步為畝百畝為頃凡民始生為黃四歲為小十六為中二十一為丁六十為老授田之制丁及男年十八以上者人一頃八十畝為口分二十畝為永業老廢疾者人四十畝寡妻妾三十畝當戶者增二十畝皆以二十畝為永業其餘為口分永業之田樹以榆棗桑及各所宜木皆有數諸鄉有寬狹地有肥瘠人有死徙者倍半買賣各有限制

唐書

二十四

地

自王公以下皆有永業田。稅歛之數凡授田者丁歲輸粟二斛稻三斛謂之租。丁隨鄉所出歲輸絹二匹。純二丈布加五之一。綿三兩麻三觔。非蠶鄉則輸銀十。四兩謂之調。用人之力歲二十日。閏加二日。不役者日為絹三尺。謂之庸。有事而加役二十日。免調三十日者。租調皆免。通正役不過五十日。自外戚及於學生。後士義夫節婦皆免課役。水旱霜蝗所免。租庸調各有差。此高祖太宗致民殷富之大略也。自開元後天下戶籍久不更造。丁口轉死田畝變易貧富升降不實。而國家侈費無節。且盜起兵興。須財益急。租庸調法弊矣。於是代宗時始計畝定稅。斂以夏秋。至德宗相楊炎道作兩稅法。夏輸無過六月。秋輸無過十一月。置兩稅使總之。量出制入。戶無主客。以居者為簿。人無丁中。以貧富為差。商賈稅三十之一。與居者均役。敢加斂者以枉法論議者謂祖宗法不可輕改。而帝方信月炎不疑也。者行民力未及寬而朱浮守叛。於是用益不給而借商之令出。

刑法

后之刑書有四曰律令格式令者尊卑貴賤之等數國家之制度也。格者百官有司所常行之事也。式者其所常守之法也。凡邦國之政心從事於此。其有所違及人之為惡而入於罪戾者。一斷以律。律之為書因隋之舊。為十有二篇。一曰名例。二曰衛禁。三曰職制。四曰戶婚。五曰廩庫。六曰擅興。七曰賊盜。八曰斷獄。九曰詐僞。十曰雜律。十一曰捕亡。十二曰斷獄。其用刑有五曰笞杖徒流死。又有議請減贖當免之法。高祖太宗除隋虐亂治以寬平。民樂其安。重於犯法。致治之美。幾乎三代之盛。考其推心惻物。可謂仁矣。自高宗武后以來。毒流邦家。唐昨絕而復續。玄宗勵精為政。二十年刑獄減省。歲斷死罪纔五十八人。以此見致治雖難。勉之則易。未有為而不至者。以後兵革遂興。國家多故人主規規無復太宗之志。其雖有心於治者。亦不能講考大法。凡所更革。一切臨時。苟且或輕或重。徒為繁文。不足以示後世矣。

藝文

夫王述愬而詩亡。離騷作而文辭之士興。歷代盛衰文

意與時高下然其變態百出不可窮極何其多也自漢以來史官列其名氏篇第以爲六藝九種七略至唐始分爲四類曰經史子集而藏書之盛莫盛於開元其著錄者五萬三千九百十五卷而唐之學者自爲著書又二萬八千四百六十九卷初隋嘉則殿書三十七萬卷至武德初有書八萬卷重復相採補入書虞世南顏師古等請購天下書選五品以上子孫工書者爲書手繕寫藏於內庫玄宗時又借民間異本傳錄命大府月給蜀郡麻紙五千番季給上谷墨三百三十六凡歲給河間景城清河博平四郡兔千五百皮爲筆材兩都各聚書四部以甲乙丙丁爲次列經史子集四庫其本有正有副軸帶帙籤皆異色以別之安祿山之亂尺簡不藏元載爲宰相奏以千錢購書一卷仍遣使括訪江淮間文宗時復以侍講鄭覃言詔秘閣搜採於是四庫之書復完分藏於十二庫道黃巢之亂存者復少至昭宗播遷蕩然無遺矣甲部經類十一一曰易二曰書三曰詩四曰禮五曰樂六曰春秋七曰孝經八曰論語九曰藏緯十曰經解十一曰小學凡著錄四百四十家

不著錄一百十七家乙部史類十三一曰正史二曰編年三曰偽史四曰雜史五曰起居注六曰校事七曰職官八曰雜傳九曰儀注十曰刑法十一曰月錄十二曰譜牒十三曰地理凡著錄五百七十一家不著錄三百五十八家丙部子類十七一曰儒家二曰道家三曰法家四曰名家五曰墨家六曰縱橫家七曰雜家八曰農家九曰小說十曰天文十一曰歷算十二曰兵書十三曰五行十四曰雜藝術十五曰類書十六曰明垂經脈十七曰醫術凡著錄六百九家不著錄五百七錄八百十八家不著錄四百八家

高祖寶后
后父毅在周爲上柱國尚武帝姊襄陽長公主后生髮垂過頸三歲與身等讀女誡烈女傳一過輒不忘武帝愛之養宮中異他甥及隋高祖受禪后自投牀下曰恨我非男子不能救舅家禍父遠掩其口曰毋妄言赤音族常謂主曰此女有奇相何可妄與人因畫二孔雀屏間請昏者使射二矢陰約中目則許之射者閱數十皆

不合高祖最後射中各一目遂歸焉

河間王孝恭

孝恭少沈敏有識量高祖已定京師詔拜山南招討大使使蜀巴蜀下三十餘州進擊朱榮俘其眾諸將請阮之孝恭曰若獲之則殺後渠有降者乎悉縱之由是所至輒下奉命討輔公祏將發大饗士杯水忽變為血坐皆失色孝恭怡然徐曰諸君勿憂吾仗威靈問罪杯中血安知非賊人授首象乎立取飲盡奉擒公祏嘗謂人曰吾所居頗壯麗要非我心當別營一區令粗足充事吉歿後子也才易以守不才不為他人所利

隱太子建成

建成謀傾秦王不已高祖召王謂曰吾起晉陽平天下皆爾力將定爾東官以爾亟讓故成爾美今觀爾兄弟終不相下吾欲令爾還洛陽自陝以東悉主之建天子旌旗如漢梁孝王故事王泣辭將行建成等謀曰秦王得土地甲兵必為患留之京師一匹夫耳因密使人說帝言王還洛必反宜勿遣事遂寢未幾王薨建成蓋建咸自留之云

巢刺王元吉

元吉有大功而太子建成不為中外所屬元吉心喜亂欲并圖之乃構於太子曰秦王功德日盛為上所愛殿下雖太子位不安請為殺之太子初未忍元吉數諷許之時榮九思為王記室作詩刺之有丹書節成慶玉帛禮專諸之句而元吉弗悟也事果敗

霍王元軌

元軌好讀書善射尤有識略嘗以計走突厥於定州太宗問羣臣曰朕諸弟孰賢魏徵曰臣愚不能盡知惟數與霍王言臣未嘗不自失帝曰朕亦器之於前代孰比對曰經學文雅漢河間東平也至孝行曾閔不能過王嘗與處士劉元平為布衣交或問于所長於元平元平答曰無長問者不解元平曰人有短乃見長王無所不備吾何以稱之

平陽公主

公主下嫁柴紹高祖起義主居長安紹謂曰尊公有大舉我欲往恐不能偕奈何主曰行矣我自為計紹既發主乃散家貲指南山亡命得數百人自將以應帝於

唐書

二十七

卷

道盡平諸劇賊略地至武功勒兵七萬威鎮關中尋會
秦王於渭北已絳及主對置幕府分定京師時號娘子
軍武德六年主薨葬詔加鼓吹太常議婦人葬古無鼓
吹帝曰鼓吹軍器也主身執金鼓參佐命古有是耶卒
用之

屈突通

通故以清節著秦王西入通率兵援長安為劉文靜所
破或說之降通曰吾荷隋厚恩事二主安可逃難獨有
以死報國耳居恆每自摩其頸曰要當為國家受人一
刀其訓勉士卒必流涕故力雖窮而人情為之感動
通既勢蹙高祖遣其家僮召通通立斬之其子壽復為
文靜將寶琮所獲琮縱壽往諭使降通大呼曰昔與汝
父子今讐也命左右射之京師已陷人無固志通知不
免乃下馬南向再拜號哭曰臣力屈兵敗不敢負陛下
遂被擒已見帝帝曰忠臣也厚遇之通仕隋勁正犯
法者雖至親無所回縱通弟蓋為長安令亦嚴執時人
為之語曰甯食三斗艾不見屈突蓋甯食三斗葱不逢
屈突通

劉文靜

文靜儻有器略犬業末為晉陽令與宮監裴寂善寂
夜見羅蝶傳烽叱曰天下方亂吾將安舍文靜笑曰如
君言是豪莫所資也高祖鎮太原文靜知其有大志深
自結既又見秦王謂寂曰唐公子非常人也豁達神武
漢高祖魏太祖之徒與俄坐李密姻黨繫獄秦王顧他
無可與計大事者私入視之文靜喜挑言曰喪亂方亟
非湯武高光不能定奈何王曰安知無人今過此非見
女子姁姁相憂直欲與君共大計耳遂相與定謀文
靜進策秦王曰今上南幸江都兵屯河洛盜賊將結犬
連州縣小阻山澤動以萬數須臾主取而用之誠能投
天會機奮鬱大呼四海不足定也今汾晉避盜者皆在
文靜素知其豪傑一朝號召十萬眾可立致加公府兵
數萬第下一令誰不願從鼓行入關以震天下王業成
矣王笑曰君言正合吾意於是文靜更因裴寂以交於
唐公寂以宮人私劫公皆文靜謀也唐公踐天子位
擢文靜納言時多引貴臣共楊文靜諫曰今率士莫不
臣而延見臣下言尚稱名帝坐尊嚴屈與臣子均席此

王導所謂太陽俯同萬物者也帝曰我雖應天受命宿昔之好何敢忘公其無嫌文靜自以才能過裴寂遠甚又屢有軍功而寂位居其上意不平每論政多戾駭遂有隙嘗與弟丈起飲酣有怨言拔刀擊柱曰當斬寂文靜妾失愛告其兄上變遂下吏訊帝用裴寂言殺之文靜臨刑撫膺曰高鳥盡良弓藏果不妄

秦瓊

瓊字叔寶以字行始為隋將來護兒帳下卒叔寶母喪護兒弔之吏怪曰士卒死喪將軍未有所問獨弔叔寶何也護兒曰是子才而武志節完整豈久處卑賤耶已歸王世充為龍驤將軍與程纘金計曰世充多詐非撥亂主也於是同降高祖嘗賜瓊金瓶勞曰卿不郵妻子而來歸我且又立功使朕肉可食當割以啖爾况子女玉帛乎從征世充建德黑闥累戰必克進上柱國每臨敵敵有驍將銳士震耀出入以誇眾秦王輒命叔寶往取之踉馬挺鎗刺之萬眾中靡不如志程纘金即程知節

李靖

靖字藥師姿貌魁奇通文史有將畧微時嘗謂所親曰丈夫遭遇要當以功名取富貴何至作章句儒其舅韓擒虎每與談兵輒嘆曰可語孫吳者斯人也楊素見而奇之自拘其牀謂曰卿終當坐此牛引亦以為王佐才高祖擊突厥靖時為馬邑丞察其有非常志輒自囚上急變傳送江都己高祖定京師將斬之靖呼曰公起兵為天下除暴亂而乃以私怨殺誼士乎秦王力為請乃得釋太用之

李勣

勣善用兵能料敵應變戰勝得金帛盡散之士卒而持法嚴故人用命臨敵選將必其奇寵福艾者或問故答曰薄命人不可與成功各病將革召弟弼謂曰我即死欲有言吾見房玄齡甘如飴高季輔皆辛若立門戶亦望論後悉為不肖子敗之我子孫今付汝汝可慎察有不勵言行交非類者急榜殺以聞毋令後人笑吾猶吾矣房杜也未幾子敬業起義夷族

李綱

安叱奴者舞工也高祖言之散騎綱諫曰周家均工樂

胥不得預士伍雖復妙如師襄才如子野皆繼世不易業故魏武使禰衡擊鼓衡先解朝衣不敢以先王法服為伶人褻也齊高緯封曹妙達為王安馬駒開府此有國之鑒戒陛下新造王業功臣賞未及徧高才猶服草莽而先命舞胡鳴玉曳組位五品趨丹地恐非貽厥孫謀之道帝不納

傅奕

武德初奕上疏極詆浮圖法曰西域之教無君臣父子以三塗六道欺瞞庸愚於是有身陷大惡而猶於獄中禮佛口誦梵言以圖倖免者今天下僧尼十萬陛下若以十萬之眾令相夫婦十年華產十年教訓兵農兩足其利甯有既乎帝下其疏議時蕭瑀進曰佛聖人也奕非聖非法請誅之奕曰佛逃父出家瑀非出空桑乃尊其教所謂非孝者無親瑀不答但合掌曰地獄正為是人設矣帝是奕議奕卒時年八十五方其病也未嘗問醫一日酣寢忽蹶然悟曰吾死矣夫即自為誌曰傅奕青山白雲人也以醉死嗚呼

歐陽詢

高祖時詢為給事中貌寢而工書初衍王羲之法後乃險勁過之因自名其體高麗嘗遣使求書帝嘆曰彼觀其書固謂形貌魁梧耶嘗行見索靖所書碑觀之去數步輒返如此者十數及疲乃布坐至宿其旁三日乃去癖嗜如此詢子通書亞于父號大小歐陽體褚遂良嘗問虞世南曰吾書何如智永答曰彼一字直五萬君豈得此曰孰與詢曰詢不擇紙筆皆能如志君豈得此然則何如世南曰君若手和筆調固可貴尚通晚自矜重狸毛為筆覆以免毫管皆象犀非是未嘗輒書

許胤宗

胤宗者精醫術仕陳為新蔡王參軍王母病風不能言醫告術窮矣胤宗至曰餌液不可進請以黃耆防風煮湯數十斛置牀下令氣如霧熏薄之是夕語擢義與太守人或勸其著書答曰醫特意見耳思精則得之意所解口莫能宣也古之上醫要在視脈病乃可識病與藥值惟用一物攻之氣純而效速今人不善脈顧多藥物以幸有功創一藥偶中他味相制力弗能專此難愈之驗也脈妙不可傳虛著方劑無益

崔信明

信明生干五月五日方中長而強記博聞嘗自矜其
文過李百藥議者弗許時有鄭世翼者亦驚侷恍輕忤
物一日遇信明江中謂日聞公詩有楓落吳江冷願見
其餘信明欣然多出示之翼覽未竟日所見不如所聞
輒投諸水引舟去

尉遲敬德

敬德名恭以字行初從劉武周武周敗同尋相歸國已
尋相叛諸將併疑敬德請殺之秦王曰不然敬德若叛
豈在尋相後耶為引見臥內曰丈夫意氣相許小嫌不
足介胸臆我終不以浮言害良士因賜之金曰如必去
者以此為資是日王與王世充戰綏為賊將單雄信所
窘敬德躍馬大呼橫刺雄信墜馬翼王出王顧曰公何
相報之速也仍賜金銀一篋敬德戰善避稍每單騎
入賊雖羣刺之不能傷也又能奪取賊稍還刺之齊王
元吉使去刃與校敬德請王加刃而已獨去之王卒不
能中帝嘗問奪稍與避稍孰難對曰奪稍難試使與齊
王戲少選王三失稍遂大愧服

王珪

珪事太宗多規切一日進見有美人侍帝側本廬江王
瑛姬也帝指姬謂曰廬江不道賊其夫而納其室能不
亡乎珪避席曰陛下以廬江為是耶非耶帝曰朕已明
言之乃問朕是非何也珪曰陛下知廬江之亡而姬仍
在側竊謂陛下以為是耳帝自失珪微時與房杜善
珪母李頗有人倫鑒嘗謂珪曰兒必貴然不知所與遊
者何人試與偕來會房立齡等適過其家李闕之大驚
勅具酒食醴盡日喜曰二客公輔器汝貴不疑

薛收

收與族兄德音從兄子元敬才名相埒世稱河東三鳳
收為長雛德音為鸞鷲元敬年最少為鸞雛是時收與
房杜處腹心之奇更相結附而元敬謹畏未嘗申款曲
如晦每嘆曰小記室不可得而親不可得而疏蓋收與
元敬俱為參軍直記室故稱小記室

馬周

周善敷奏機辨明銳動中竅蔡帝每曰吾頃不見周即
思之岑文本嘗曰馬君論事會文切理無一言可損益

聽之纒纒令人忘倦蘇張終賈正應此耳然鸞肩火色騰上必速恐不能久帝嘗以飛白書賜周曰鸞鳳冲霄必假羽翼股肱之寄要在忠力周病消渴帝每詔上藥視護且躬為調藥太子問疾疾甚悉取平日奏稿焚之曰管晏暴君過取身後各音不為也既卒帝思之甚至假方士術求見其儀容

劉洎

太宗嘗好持論與公卿言事必往復詰難洎諫曰帝王臣庶聖哲凡庸等級遠絕謀愚對聖持卑抗尊陛下即降慈旨假柔顏猶恐羣臣備縮不敢進况以神機天辨飾詞援古而迤其議哉且多記損心多言耗氣心氣內損形神外勞初雖無覺久且為弊帝手詔答曰非慮無以臨下非言無以述慮驕人輕物恐由摧論致之若形神心氣不為勞也

閣立本

立本故善畫太宗嘗泛舟春苑池見異鳥容與池上悅之詔侍臣賦詩而召立本作其狀時問外傳呼畫師閣立本立本至俯伏池頭研吮丹粉望諸侍臣羞悵流汗歸戒其子曰吾少讀書文辭不減儕輩今獨以畫見名與廝役等若曹慎毋習然性所好雖被訾屈終不能罷也巳入為右相會姜恪以戰功擢左相一時遂有左相宣威沙漠右相馳譽丹青之嘲

虞世南

世南虞荔子與兄世基同受學於顧野王積十年精思不懈至累旬不櫛沐文章婉雅慕僕射徐陵世基文過世南而瞻博不及俱名重當世議者方之二陸先在場帝時世基佞敏得君日貴盛妻妾被服擬王者而世南躬貧約不改其初世南嘗學書於浮圖智永精其法遂為世寶云

長孫無忌

貞觀中帝嘗從容謂無忌曰人若不自知公宜面攻朕夫朕當先評公等瑕瑜高士廉心術警悟臨難不易節所乏者骨鯁唐儉善和解人然事朕二十年未嘗一言國家事楊師道謹審無過而懦不更事緩急不可倚岑文本文章議論是其所長謀慮經遠自當不負於心劉洎堅正不輕然諾能自補闕馬周敏銳直道而行所任

唐書

三十二

絕

足稱朕意緒遂良鯁亮有學術竭誠以親朕若飛鳥依人人自憐愛之無忌應對機敏善避嫌求於古人罕得其匹然總兵攻戰非所長也諸臣皆頓首謝

呂才

貞觀初上病陰陽家所傳書多謬偽淺惡世益拘畏命才與宿學老師刪落煩訛撥其可用者為五十三篇合舊書四十七凡百篇詔頒天下其祿命篇曰世有同建與祿而貴賤殊共命若胎而天壽異故長平阮降卒非俱犯三刑南陽多近親非俱當六合魯桓公六年七月子同生是為莊公按歷歲在乙亥月建申然則值祿空七據法應窮賤又觸勾絞六害皆驛馬身尅驛馬三刑法無官命火也生當病鄉法曰為人尅弱姓陋而詩言莊公曰猗嗟昌兮頤而長兮美目揚兮巧趨踰兮惟向命一物法當壽而公薨止四十五一不驗秦莊襄王四十八年始皇帝生於正月故名政是歲壬寅正月命偕祿於法無官假得祿奴婢應少又破驛馬三刑身尅驛馬法望官不到命金也正月為絕無始有終老而吉又建命生法當壽帝崩時不過五十二不驗漢武帝以乙

酉歲七月七日平日生當祿空七於法無官雖向驛馬乃隔四辰法少無官老而吉武帝即位年十六末年戶口減絕三不驗後魏孝文生皇興元年八月是歲丁未為背祿命與驛馬三刑身尅驛馬於法無官又生父死中法不見父而孝文受其父禪四不驗宋高祖癸亥三月生祿與命皆空亡於法無官又生子墓中法宜嫡子雖有次子當早卒而高祖長子先被弒次子義隆享國又生祖祿下法當嫡孫財若祿其孫劭濬皆篡逆五不驗其葬篇曰經言葬者藏也欲人之不得見也後代葬說出于巫史一物有失便謂災及死生多為防禁以售其術附妄憑妖其書乃有百二十家春秋王者七日而殯七月而葬諸侯五日而殯五月而葬大夫三月士庶人逾月貴賤不同禮亦異數此道為赴弔遠近之期量事制法故先期而葬謂之不懷也後期不葬謂之殆禮也此則葬有定期不擇年與月一也又曰丁巳葬定公兩不克葬至於戊午襄事君子善之禮卜先遠日者自未而進避不懷也今法已亥日用葬最凶春秋是日葬者二十餘族此葬不擇日二也今法葬家多取乾艮

唐書

三十三

苑

二時乃近夜半文與禮乖按禮周尚赤犬事用日殷尚
白用日中夏尚黑用昏此直取當代所尚不擇時早晚
也鄭卿子產及子太叔葬簡公於是司墓大夫室當樞
路若壞其室即平旦而期不壞其室即日中而期子產
不欲壞室子太叔曰若日中而期恐久勞諸侯大夫來
會葬者然子產太叔不問時之得失惟論人事可否而
已此葬不擇時三也經曰立身行道揚名於後世以顯
父母而法曰官爵富貴葬可致也年壽修促子性蕃衍
葬可招也夫臧孫有後於魯不聞葬得吉若敢絕嗣於
刑不聞葬得凶此葬有吉凶不可信四也今法皆據五
姓為之去之葬並在國都之北趙氏之葬在九原漢家
山陵或散處諸域又何上利下利大墓小墓為哉然劉
之子孫本支不絕趙後與六國等王此則葬用五姓不
可信五也且人有初賤而後貴始泰而後否者子文為
令尹三仕三已展禽三黜於士師彼冢墓已定而不改
此名位不常何也故知榮辱升降專歸諸人而不由於
葬六也世之人為葬巫所欺妄期微幸於是相坐隴希
官爵擇日時規財利謂辰日不哭欣然而受用謂同屬

不得臨曠吉服避送其親詭敦禮俗不可以法七也

谷刑律

律淹識羣書諸遂良重之稱為九經庫嘗從太宗出敗
遇雨沾漬帝問曰浦衣若為可無漏律對曰以瓦為之
當不漏帝嘉其直

李淳風

太宗時淳風直太史局上得祕讖言唐中弱女武代王
以問淳風對曰其兆已成八日在宮中矣又四十年而
王王而夷唐子孫殆盡帝曰求而殺之奈何對曰天之
所命不可去也王者不死徒使疑似之戮及於無辜且
陛下所親愛四十年而老則仁雖受終易姓而不能
絕唐若殺之復生壯者則陛下子孫無遺種矣帝用其
言止未幾則天驗淳風於占候若有鬼神相之非學可
致人莫能測也

裴行儉

行儉有人倫鑒在吏部時見蘇味道王勣謂曰一君後
皆掌銓衡時王勃楊炯盧照鄰駱賓王才名甚籍或引
示行儉儉曰士先器識勃等雖有才而浮躁銜露豈享

節祿者烟稍沈默可至今長餘皆不得死已一一驗

薛仁貴

仁貴起自耕農將改葬其先妻柳氏曰夫有高世之才
今天子自征遼東求猛將君蓋功名以自顯富貴還鄉
葬未晚也仁貴乃往見將軍張士貴自是每戰輒捷位
至領軍大總管各震異域烏海之役坐失事貶象州已
突厥入寇召還擊突厥師至象州虜問曰唐將謂誰曰
薛仁貴虜曰吾聞薛將軍流象州死矣何給我仁貴為
脫稍整見之虜相顧驚下馬羅拜尋解遁去仁貴每
戰必自袍以自標一日與宴內殿帝謂曰古善射有穿
七札者卿試以五甲射仁貴一發洞貫帝大驚時九姓
眾十餘萬寇邊先遣驍騎挑戰仁貴發三矢輒殺三人
於是虜氣懾悉降潰軍中歌曰將軍三箭定天山壯士
長歌入漢關尤姓自是遂衰

員半千

高宗御武成殿問兵家何謂三陳眾未對半千進曰古
以星宿孤虛為天陳山川向背為地陳編伍繭繆為人
陳臣謂不然夫師以義出沛若時雨順天時是天陳也

足食約費且戰且耕占地利地陳也舉三軍士如子弟
從父兄得人和是人陳也帝曰善半千歷事五君清白
一節以山水自放遊堯山梁之遂定居焉卒年九十四

上官昭容

昭容名婉兒性韶警善文詞中宗暉之羣臣章奏無不
與聞與武三思通故詔書必右武氏而抑唐帝嘗數引
各儒賜宴賦詩君臣廣和帝后及長笛主安樂主作大
都昭容代也又為差第羣臣所作已乃營外宅與崔湜
亂引湜知政事而穢夫求劇職者爭候門下矣臨淄王
入朝之闕下

蘇瓌

瓌頭父子相繼為宰相襲封許公帝嘗言前世李嶠蘇
味道文擅當時號稱蘇李今朕得瓌與李又對掌書命
亦何愧前人時張說亦以文章顯與瓌稱望略等故又
號燕許大手筆帝愛其文謂曰卿所撰詔令可別錄副
本署臣某撰朕當留中自後遂為故事

張易之

易之昌宗兄弟也皆以美姿得幸武后每傳朱粉衣

唐書

三十五

袍

綺出入禁中寵震天下朝貴爭造其門號易之五郎昌宗六郎后每宴集則二張詣武雜侍樗博爭道為笑樂淫盡顯行無復羞畏時諂附者倡言昌宗為王子晉後身因使被羽裳吹簫乘寓鶴徘徊庭中作仙去狀詞臣爭賦詩為媚

狄仁傑

武后欲以武三思為太子問宰相莫敢對仁傑曰臣觀天人未厭唐德比匈奴犯邊陛下使三思募兵踰月不及于人而盧陵王代之一呼輒五萬大較可知矣今欲嗣統非盧陵王不可后怒罷久之召謂曰朕數夢雙陸不勝何也對曰雙陸不勝蓋為無子天其儆陛下乎夫姪與母子孰親陛下立盧陵則千秋萬歲常享宗廟三思立姪帝耐姑于廟乎后乃感悟即日迎歸廬陵王王至后匿之帳中召見仁傑語廬陵事仁傑至泣下后乃使王出曰還爾太子

安金藏

睿宗為皇嗣時有誣以異謀者武后詔來俊臣問狀左右畏慘楚將引伏太常工安金藏獨大呼曰公不信吾

言請剖心以明皇嗣不反遂引佩刀自刺腹中腸出被地眩而仆武后聞大驚輿至禁中命醫納腸視桑杜紱之闕夕而蘇后臨視嘆曰吾有子不能自明賴爾忠以免當是時朝士咸高其誼神龍初金藏葬母親營石墳晝夜弗息廬墓側甘泉忽湧李亦冬花大鹿相擾本道使盧懷慎上其事明皇以付史官

武攸緒

攸緒則天后之兄子好易莊子書少變姓名賣卜長安市得錢輒委去自后擅制前後累封王俱固辭后疑其詐許之以覘其所為攸緒結廬巖下如素遁者盤桓龍門少室間冬蔽茅椒夏屋石室所賜金銀鎰高及王公所遺鹿裘素障至塵積卒不御市田頴陽使家奴雜作自混于民晚年肌肉消骨瘦有紫光晝能見星中宗嘗以璽書迎之將至救有司即兩儀殿設位行問道禮詔見日山帔葛巾不名不拜攸緒至更冠帶入舍人贊就位攸緒竟就常班再拜帝愕然禮不及行為之嘆息俄而諸武禍及攸緒獨超然

武平一

唐書

三十六

純

平一以博學聞仕兼修文學士時崔日用自言明左氏春秋諸侯官族他日學士大集請與平一言經崔曰魯三桓鄭七穆奈何平一答曰慶父叔牙季友桓三子也孟孫至孫凡九世叔孫舒季孫肥凡八世鄭穆公十一子子然及二子子孔三族亡于羽不為卿故稱七穆子罕子驪子良子國子游子印子豐也一坐驚服平一還問曰齊桓楚莊時諸侯屬齊楚凡幾平公靈王時諸侯屬晉楚凡幾晉六卿齊楚執政幾何人崔謝曰吾不知君能知乎平一條其始末具悉崔乃曰吾請北面一坐大笑

王勃

勃字子安六歲能屬詞九歲讀顏師古漢書注作指瑕以搥其失年未冠對策高第尋以事斥廢客劍南道出鍾陵九月九日都督某大宴滕王閣宿命其婿某作閣序將以誇客因即席出紙筆徧請客莫敢承至勃亢然不辭都督怒起更衣遣使伺其文輒報一再報語益奇乃矍然曰天才也請遂成文極權罷勃屬文初不精思先磨墨數升則酣飲引被覆面臥及寤援筆立成不易

一字勃兄勸弟助皆著才名杜易簡稱為三珠樹勃與楊炯盧照隣駱賓王齊各世稱王楊盧駱為四傑炯嘗曰吾媿在盧前照隣居王後知文者以為然勃以省父渡海溺憐而卒時年二十九

駱賓王

賓王七歲能文武后時數上疏言事除臨海丞鞅鞅不得志棄官去徐敬業起兵傳檄天下斤武后罪狀文出賓王手后讀之但嘻笑至一抔之士未乾六尺之孤安在矍然曰誰為此或以賓王對后曰宰相安得失此人在業敗賓王亡命不知所之中宗詔求其文得數百首崔融嘗評勃等文曰勃文章宏放非常人所及炯照鄰可以企之張說曰不然盈川文如縣河酌之不竭優於盧而不減王恥居後信然愧在前謙也開元中說與徐堅論近世文章說曰李嶠崔融薛稷宋之問文如良金美玉無施不可富嘉謨如絕嶺孤峰壁立萬仞濃雲鬱興震雷勃發誠可畏也若施於廊廟駭矣閣朝隱加麗服靚粧燕歌趙舞觀者忘疲然不可類之風雅堅問今世奈何說曰韓休之文如太羹元酒有典則薄滋味

許景先如豐肌臑理雖濃華可愛而乏風骨張九齡如
素練輕縑寶濟時用而寤邊幅王翰如瓊盃玉笋雖爛
然可珍而多玷缺堅謂篤論云

袁天綱

武后幼時天綱嘗見其母曰夫人法生貴子因見二子
元慶元爽曰官三品保家主也見韓國夫人曰此女貴
而不利夫時后最幼姆抱持出給以男天綱視其步與
目曰龍瞳鳳頸極貴徵若為女當作天子高士廉嘗問
曰君當終何官謝曰僕及夏四月數且盡矣如期以火
山令卒子客師精父術高宗嘗置一鼠於匭令術家射
之皆曰鼠客師獨曰雖實鼠然入則一出則四發之鼠
生三子師嘗渡江叩舟而還左右問故曰舟中人鼻下
氣皆墨不可濟俄有跛男子就舟客師曰貴人在吾可
濟矣中流風忽起舟幾覆得免跛男子則婁師德也

索元禮

元禮性殘虐武后將除異己者元禮揣知旨即上書告
急變因為制獄作鐵籠輦囚首加以楔囚或至腦裂死
又橫木關手足轉之號輻超或紡囚梁上繩石于頭訊

一囚必牽連至數百自是來俊臣周興遂踵起後坐受
獄下吏吏訊之不服曰取公鐵籠來乃服死獄中

來俊臣

俊臣與朱南山輩作羅織經一篇按以從事凡鞫囚必
注醢于鼻端地為牢痕以匿溺又作大枷十各為號一
定百脈二端不得三突地吼四著即承五失魂膽六實
同反七反是實八死猪愁九求即死十求破家後為諸
武所構詔斬西市死之日人爭抉其目搥其肝醢其肉
須臾立盡仍以馬踐其骨無子餘

周興

與俊臣黨也天授中人告興反詔俊臣鞠狀興時未知
被告方與俊臣對食俊臣曰囚多不服奈何興曰易耳
內之大甕中熾炭圍之何事不承俊臣曰善命取甕且
熾火徐謂興曰有詔按君請嘗之興駭汗叩頭服罪諸
嶺表末幾為怨家所殺

郭弘霸

郭弘霸陳往討徐敬業臣誓抽其筋食其肉飲其血絕
其髓武后大悅擢御史大夫時號四其御史按刺史李

唐書

卷一百一十五

列傳

思徵極慘毒思徵死為厲竟白拔刀刳腹死是時大旱忽雨又洛陽橋久壞新成后一日問羣臣外有佳事否郎中張元曰比有三度旱而雨洛陽橋成引靈死

楊貴妃

如字太真本壽王妃自武惠妃薨宮中無當意者或言如美帝召入一見異之遂別為壽王聘而自內妃如解歌舞善迎帝意寵遂專房宮中號娘子如嗜生荔枝帝為走數千里疾致之色味依然未變也如嘗以譴還兄姪第是日比中仄帝尚不食怒苦左右高力士欲駭帝意乃白以供帳酒餼百餘車送如所帝喜賜力士御膳方士知旨是夕即請召還如帝撫慰良渥已復得譴還外第兄國忠計以語動帝帝意動詔中人張韜光輟御食賜妃妃因韜光謝曰妾罪當萬誅然髮膚外皆上賜也今且死無以報即引刀斷髮一縷奏之曰以此留訣帝見駭跪立召還遇之如初馬嵬之厄以紫茵裹尸瘞道側其後帝密令中使治葬具啓瘞故香囊猶在中人以獻帝為悽感流涕命工貌妃於別殿朝夕往必獻歔

宋璟

中宗時韋月將告武三思亂宮掖三思強有司論月將大逆語誅之璟請付獄按罪帝岸巾出側門謂璟曰朕謂已誅尚可請璟曰人言后私三思陛下不問即斬之臣恐有外議必按而後刑乃可服天下帝愈怒璟曰必誅月將者請先誅臣不然終不奉詔帝乃流月將嶺南開元初璟都督廣州廣人以竹茅茨屋多火璟教之陶瓦築堵列邸肆粵俗始知棟梁之利其他惠政種種已自廣還廣人請立遺愛碑璟上言碑所以誌功德臣治不足紀廣人徒以臣當國故為溢詞世競諛臣正欲釐正之請自臣始有詔許停璟既卒張嘉貞入相閱堂察見其危言切議未嘗不嘆息失聲也

張九齡

九齡侍明皇為中書令李林甫忌之會上欲擢張守珪侍中九齡諫止已欲進牛仙客尚書復諫欲賜實封又力爭帝怒曰豈以仙客寒士嫌之卿固有門閥哉九齡頓首曰仙客起胥吏日不知書韓信淮陰一壯夫猶羞與絳灌列臣實不願與仙客伍帝不納九齡既為林甫所忌心危之適帝賜白羽扇乃獻賦以識意其末云

唐書

三十九

九

苟効用之得所雖殺身而何忌又云縱秋風之零落終
感恩於篋中帝雖優詔答之卒罷故事公卿皆摺笏於
帶而後乘馬九齡獨使人持之因設笏囊笏囊自九齡
始初安祿山自范陽偏裒入奏九齡一見即謂裴光
庭曰亂幽州者必此胡雛也及討奚契丹敗九齡署其
狀曰軍法若行祿山不容免死帝曲赦之九齡曰祿山
有逆相畱之恐為後患帝曰卿無以王衍知石勒而害
忠良帝後入蜀思其言為泣下乃遣祭韶州當是時天
下稱曲江公而不名

張嘉貞

宋璟罷相帝欲用嘉貞而忘其各夜詔中書侍郎韋抗
曰朕嘗記一人今為北方大將張姓而複名者其風操
可想而名不能憶卿為我思之抗曰非張齊邱乎今為
朔方節度使帝即作詔以為相夜且半適闕大臣表疏
舉一則嘉貞疏也得其名即擢同平章事遷中書令子
延賞德宗朝以西川節度使入相延賞子誦請亦入相
時號三相張家其所居坊曰鳴珂里

韋堅

明皇時堅以聚斂術擢陝郡水陸運使堅欲通漕道乃
壅渭為堰絕霸澗而東注永豐倉下復與渭合初澗水
銜苑左有望春樓堅子樓下鑿潭以通漕帝為升樓詔
羣臣並臨觀堅豫取洛中山東小斛舟三百貯之潭篤
工棹師皆大笠後袖芒履為吳楚服每舟署某郡即以
某郡物產暴陳其上廣陵則錦銅器官端綾繡會稽則
羅綾絳紗南海瑇瑁象齒珠琲沈香豫章則力士蓺飲
器茗鑑金宣城則空青石綠始安則焦葛胡膽翠羽吳
郡則方文綾船皆尾相銜數十里不絕關中不識蓬檣
揆檣觀者駭異帝大悅擢堅左散騎常侍名其潭曰廣
運

顏泉卿

泉卿守常山史思明攻之泉卿晝夜戰糧矢竭六日城
陷遂被執賊脅降不應乃取其少子季明加刃頸上曰
降活若子泉卿仍不應遂殺季明送泉卿於祿山祿山
怒泉卿瞋目罵曰汝本營州牧羊羯奴竊荷恩寵天子
何負汝而反吾世為唐臣恨不磔汝以謝上乃從爾反
耶祿山大怒縛之天津橋柱節解之泉卿罵不絕賊鉤

唐書

四十一

鮑

斷其舌曰復能罵否乃含糊而死時同被執者為袁履謙死時亦先斷手足謙咀血噴賊面賊驚之臬卿既被害狗首於衢莫敢收有張湊者得其髮持謁帝為賜祭湊後歸髮於其妻妻疑之髮忽動

杜甫

甫字子美負才放曠好論天下事高而不切與李白齊名時稱李杜明皇朝獻賦三篇帝奇之拜胄曹參軍因數上言高自稱許會祿山亂天子入蜀甫羸服走三川往依嚴武武以世舊頗見親待而甫褊躁誕傲嘗醉登武牀瞪視曰嚴挺之乃有此兒武銜幾殺之左右白其母奔救得免大厯中出瞿塘下江陵泝沅湘登衡山因客耒陽大水驟至沙旬不得食縣令具舟迎之饋牛炙白酒大醉一昔卒

李白

白字太白生時母夢長庚星因名焉初與孔巢父諸人隱岷峨山號竹溪六逸賀知章奇其文謂為謫仙人言之明皇即召見金鑾殿論當世事奏頌一篇帝賜食親為調羹有詔供奉翰林猶從酒徒醉市上帝一日坐沈

香亭有感欲得白為樂章召入而白已醉左右以水頰面稍解援筆成交婉麗精絕帝愛其才每宴必召入侍嘗以醉使高力士脫鞵力士忿讒之貴妃白知不為親近所容遂與知章等八人縱飲號酒中八仙懇求還山放遊四方嘗乘舟與崔宗之自采石至金陵著官錦袍坐舟上旁若無人晚好黃老度牛渚磯至姑孰悅謫家青山將終焉及卒葬東麓

張旭

旭吳人性嗜酒精書法每大醉呼叫狂走乃下筆或以頭濡墨而書既醒自視以為神不可復得也世呼張顛初仕為常熟尉有老人陳牒求判宿昔又來旭怒其煩老人曰公筆奇妙欲以藏家耳旭因問所藏畫出其父書示之天下奇筆也自是盡其法自言始見公主擔夫爭道又聞鼓吹而得筆法意觀倡公孫舞劍乃得其神後人論書歐虞褚陸皆有異論至旭無非短者傳其法惟崔邈顏真卿云文宗時詔以李白歌詩裴旻劍舞張旭草書為三絕

王維

唐書

四十一

卷

維字摩詰九歲屬文與弟縉齊名擢進士官尚書右丞
年六十一疾甚作書與縉別停筆而化維工草隸善畫
各盛於開元天寶間甯薛諸王尊若師友畫思入神至
山水平遠雲勢石色繪家以為天機所到學者不及也
兄弟皆倭佛別墅在輞川地奇勝有華子岡欽湖竹里
館柳浪軒茱萸泝辛夷塢日與裴迪遊其中賦詩為樂
喪妻不娶孤居三十年母亡表輞川第為寺終葬其西

張果

果不知何許人隱中條山往來汾晉間世傳數百歲人
也武后時遣使召之即死後復見恆山中明皇時再以
聖書邀至命肩輿入官帝親問治道神仙事語秘不傳
果善息氣能累日不食數御美酒嘗云我生堯丙子歲
位侍中時有邢和璞者善知人壽天師夜光者善視鬼
帝令璞推果生死情然無端更名果密坐使夜光視之
不見果所在帝益神之欲以玉真公主降果恐言也果
一日忽謂人曰諺言娶妻得公主平地生公府是大可
畏人怪其語不倫俄使者至傳詔曰玉真公主欲降先
生果笑不奉詔辭還山詔可賜號通元先生尋尸解去

安祿山

祿山營州柳城胡也生時光照窟廬野獸皆驚及長忤
忍多知天寶中以范陽節度擊契丹還奏夢李靖李勣
向臣求食既蒙寵任帝命見皇太子不拜左右搃之故
問曰皇太子何官帝曰我百歲後當付以位謝曰臣愚
知陛下不知太子罪當死楊貴妃有寵祿山請為妃養
子拜必先妃帝怪之曰蕃人先母後父其權請多類此
晚益肥腹緩及膝奮兩肩若挽牽者乃能行每乘驛入
朝必半道易馬號大夫換馬臺不爾馬輒仆及作胡旋
舞帝前又捷疾如飛也帝為起第京師戒必極侈麗曰
祿山眼孔大毋合笑我瑣卒亂天下祿山既為御史
大夫勢遂與李林甫埒然心畏林甫每見未嘗不磬折
林甫善揣人意每與語必迎割其端祿山大駭以為神
雖盛寒時流汗也林甫復陽厚之引至中書覆以已袍
祿山德林甫呼十郎駱谷每奏事還先問十郎何如有
好言則喜若言大夫好檢校則反手據牀曰吾且死偃
人李龜年每為帝學之帝輒大笑已見殺於子慶緒
慶緒之為史思明逼也遣使奉皇帝璽綬讓思明

唐書

安祿山

傳

陽約為兄弟請之出敵血盟而陰令軍中環甲以待慶緒至再拜伏地謝曰臣不克負荷棄兩都不意大王以太上皇故暴師遠來臣罪惟大王圖之思明憲曰兵利不利何足論若為人子而殺父求位更何辭吾乃為太上皇討賊命斬之時周萬志進曰慶緒既來矣宜賜死乃縊殺慶緒

張鎬

鎬有大志視經史猶漁獵然好王霸大略居恒嗜酒鼓琴自娛人或邀之即杖策往醉即返語不及世務天寶未賊圍睢陽張巡告急鎬倍道進檄濠州刺史閻邱曉越救曉逗留不前比至淮而巡已陷鎬怒杖殺曉鎬起布衣纜二葇而至宰相蓋望實致之云

張巡

祿山反楊萬石以譙郡降逼巡使西迎賊巡率吏士哭於元元皇帝祠遂起兵討賊賊圍雍邱令狐潮舉城圍賊巡乘間復城屠潮妻子磔之城上潮忿甚合眾四萬薄城攻圍六旬是時王命不復通大將六人入白曰勢不敵且上存亡莫知不如降六人者皆官開府特進

矣巡陽諾明日為設天子畫像於堂上率軍士朝人人泣下巡乃引六將至責以大義盡斬之士心益感奮賊圍睢陽巡與許遠合兵固守經數十戰皆以寡敵眾無不一當千圍既久城中食盡巡乃出愛妾謂諸將曰諸君經年乏食而忠義不少衰吾恨不割肌以啖眾甯惜一妾不以充上饑乎乃殺妾為大饗坐者皆泣下咽巡強令食之時許遠亦殺其奴以哺卒至羅雀掘鼠煮弓膠而士莫有叛者南霽雲還自賀蘭所賊知援絕攻益急巡士皆病不能戰巡乃向西拜曰臣力竭矣生不能報陛下死當為厲鬼以殺賊城遂陷巡被執賊將尹子琦謂巡曰聞公督戰大呼輒背裂血面嚼齒皆碎何至是答曰吾欲吞逆賊耳子琦怒以刀抉其口齒僅存三四等遇害巡既死大歷中巡子去疾上書曰胡孽南侵父巡與睢陽太守許遠各守一面城陷賊所八自遠分巡及校三十餘皆剖心剖肌慘毒備盡而遠與麾下無傷巡臨命嘆曰嗟乎人固有可恨者賊曰公恨我乎答曰賊何足恨恨遠心不可得耳我死若有知當不赦遠地下然則國威挫衄使巡功業墮敗皆遠

唐書

四十二

地

也臣於遠不其戴天請追奪官爵以刷冤恥事下尚書
議卒寢之後韓愈著論為遠辨誣議乃定

南霽雲

霽雲少微賤為人操舟惟陽始被圍巡築壇募死士數
日莫敢應俄有暗鳴而來者乃霽雲也對巡即泣下是
時賀蘭進明屯臨淮巡使霽雲往請師進明頗無出師
意愛霽雲反欲留之為大饗樂作霽雲泣曰睢陽士不
粒食已彌月吾何忍獨享雖食弗下咽也請置一指以
示信歸報中丞因拔佩刀斷其指一坐大驚為出涕霽
雲既出抽矢回射佛寺浮圖曰吾破賊還必滅賀蘭此
矢所以志也已城陷與巡俱被執賊招霽雲降雲未應
巡呼曰南八男兒死耳不可為不義屈霽雲笑曰欲將
有為也公知我者敢不死遂與三十六人同遇害時有
雷萬春者亦巡偏將也賊圍雍邱萬春立城上與潮語
伏弩發面著六矢萬春不動潮疑木刻人已謀得其實
大驚遙謂巡曰向見雷將軍知君節制矣

張志和

肅宗朝志和待詔翰林遭親喪遂不復仕浪跡江湖自

稱煙波釣徒所居室茨以生草椽棟不施斤斧豹席樓
屬喜垂釣不設餌觀察使陳少游往見為終日雷表其
居曰元真卷曰回軒門阻流水少游為之梁號大夫橋
帝嘗賜奴婢各一志和配為夫婦名其夫曰漁童妻曰
樵青陸羽嘗問孰為往來者對曰太虛為室明月為燭
與四海諸公共處未嘗少別有何往來謁顏真卿於湖
州真卿以其舟敝漏請更之答曰願為浮家泛宅不必
更也善圖山水酒酣擊鼓吹笛嘗撰漁歌歌筆輒成憲
宗求其歌不可得

賀知章

知章字季真性夷曠與姪子陸象先善象先嘗言季真
風流吾一日不見則鄙吝生自證聖初歷元肅二朝積
官祕書監而晚節遊嬉誕放自號四明狂客每醉輒屬
詞善草隸好事者具筆硯從之意愜即不復拒紙纒數
十字世傳以為寶天寶初知章夢遊帝所數日寤乃請
為道士詔許之捨宅為千秋觀即居之又求周宮湖數
頃為放生池有詔賜鏡湖剡川一曲既行帝賜詩皇太
子百官為之餞送

陸羽

羽字漸鴻竟陵人不知其所生或言有僧得之水濱攜歸畜之者既長以易自筮得蹇之漸曰鴻漸于陸其羽可用為儀因以為名氏其師令執糞除又使牧牛三十羣潛以竹畫牛背學書得張衡南都賦不能讀危坐幼過日不作主者鞭之因亡去天寶中太守李齊物見而異之授以書上元初隱苕上自稱桑苎翁闔門著書或獨行野中誦詩擊木裴徊不得意則慟哭而返時謂為接輿也

郭子儀

子儀與李光弼齊名而得人心過之其歲入官俸無虛二十四萬緡宅居親仁里四分之一中通丞巷家人三千出入不知其前後賜良田美器及名園甲館不勝紀代宗呼為大臣而不名也授中書令歷二十四考八子七婿皆貴顯諸孫數十不能盡識旦夕問安但頷之而已麾下宿將數十皆王侯貴重而子儀願指進退之若部曲然幕府六十餘人皆為將相

李泌

德宗時太子妃蕭母郅國夫人以蠱媚幽禁中帝怒責太子太子不知所對泌入帝數稱舒王賢泌揣知帝意將廢立因曰陛下有一子而疑之乃欲立弟之子帝赫然曰卿何知舒王非朕子對曰陛下昔嘗為臣言之夫有嫡子而猶為疑弟之子敢自信於陛下乎帝曰卿不願家族耶對曰臣老位宰相以諫誅分也使太子廢他日陛下悔曰吾惟一子殺之必不我諫我亦殺泌子則臣配遂絕雖有兄弟子非所歆也即噫鳴流涕帝悟太子乃得安

沈既濟

既濟有良史才官修撰時吳兢撰國史為武后本紀既濟議請省之合中宗紀每歲首必書曰帝在房陵太日行某事某事則名實兩得矣若后之姓氏名諱崩葬日月才藝智略皆宜入皇后傳題其篇曰則天順聖武皇后時雖不用其議識者是之

顏真卿

真卿字清臣初為監察御史嘗使河隴五原有冤獄久

唐書

四十五

魏

不決天且旱真卿至立辨之郡人呼為御史雨已為平原太守知安祿山必反乃陽託霖雨急增埤繕障儲糧料材而日與賓客泛舟宴飲以紓祿山之疑祿山果目為書生不疑也及反河南盡陷平原獨全疾使參軍李平馳奏明皇始聞亂嘆曰河朔二十四郡無一忠臣耶及得奏喜曰吾不識顏真卿何如人所為乃若此祿山既破東都殺李憺盧奕蔣清而傳其首河北以徇諸郡真卿恐動衆紿諸將曰吾素識憺等其首皆贗即斬傳首者而藏其首他日結芻饋體歛而祭之後官刑部尚書以直不容於盧杞未幾李希烈反杞建議遣真卿往諭遂遇害遠近聞者皆為感動真卿正色立朝為當世重人不敢以姓名稱竝曰魯公善正草書筆力遒古世傳寶之

盧坦

坦為河南尉時杜黃裳為尹名坦論曰某巨室子與惡人遊破產盡察之坦曰凡居官廉雖大臣無厚蓄其能積財者必剝下致之如子孫善守是天富不道之家不若恣其不道以歸於人也黃裳驚異其語坦後累著績

歷東川節度使。

盧綸

德宗時綸嘗以才高被名帝有作輒使屬和與吉中孚韓翃錢起司空曙苗發崔峒耿漳夏侯審李端皆以能詩號大歷十才子

憲宗部后

后憲敬宗文宗武宗武宗喜暇遊角五藝五坊小兒得出入禁中一日問后起居從容請曰如何可為盛天子后曰審覽諫臣章疏度可用用之有不可以詢宰相毋拒直言毋納偏言以忠良為腹心此盛天子也帝再拜還索閱諫章自是收幸稍稀小兒輩不敢復橫

李吉甫

吉甫明練典故有相才自德宗以來朝廷專務姑息藩鎮有終身不易地者吉甫作相歲餘凡易三十六鎮又嘗奏罷冗官八百員吏千四百員歲省供億鉅萬平劉闢平李錡大半皆其謀也初政事堂會食有巨牀相傳不可徙徙則宰相輒罷吉甫笑曰豈有一牀而能制宰相禍福者竟撤新之前卒之一歲熒惑掩太微上相吉

唐書

四十六

範

甫曰天且殺我再遜位不許尋卒

李光顏

韓弘素驕蹇挾蔡賊以自重惡光顏忠力思有以撓之乃飾名姝教之歌樂六博於以遺光顏使致辭曰以君暴露久恭進侍者慰君征行之勤光顏乃約旦日置酒大會諸將校引使者以侍姝入秀曼都雅一軍驚豔光顏徐曰我久去家室以為公憂誠知公念重然戰士皆棄妻子蹈白刃吾何心獨樂為我謝公朝廷於光顏恩厚誓不與賊俱生吾有死無二因嗚咽泣下厚略使者而還之未幾破賊五溝李愬自是得乘虛入

李愬

愬之平蔡也元濟兵尙餘二萬愬不戮一人其為賊執事帳內如厠厥所役之類皆悉用其舊而身振旅鞠場以俟裴度度既至愬以橐鍵見度將避之愬曰此方廢上下分久矣請受之示以分度乃以宰相禮受愬謁蔡人為之聳動始晟之克復長安也市不易肆而愬平蔡亦如之功名之奇為近世所未有愬性儉樸絕不事華侈所居惟父時故院而愬弟聽頗盛飾服玩或誠之聽

曰家聲在人若示衰薄何以見忠功之效吾故欲誇而勸之也聽好方書擇其驗者題于帷帟墻壁間皆滿愬李晟子晟十五子愬最著

韓愈

愈既貶潮初至問民疾苦具言惡溪有鱷魚食民畜產且盡民是以窮愈乃自往視為具羊豕各一投溪水而祝以文略曰鱷魚其不可與刺史雜處此土也刺史受天子命守此土治此民而鱷魚睥然不安溪潭食民畜產以肥其身以種其子孫與刺史拒爭為雄長刺史雖為弱亦安肯為鱷魚低首下心以為吏民羞且承天子命來其勢固不得不與鱷魚辨鱷魚有知其聽刺史言潮之州大海在其南鯨鯢之大蟹鰕之細無不容歸鱷魚朝發而夕至也今與鱷魚約盡三日其率醜類悉南徙以避天子之命吏三日不能至五日不能至七日不能至是終不肯徙也是終不有刺史聽從其言也不然則是鱷魚冥頑不靈刺史雖有言不聞不知也夫傲天子之命吏不聽其言冥頑不靈而為民物害皆可殺刺史則選才技吏民操強弓毒矢以與鱷魚從事

唐書

四十七

鮑

必盡殺乃止其毋悔祝之夕暴風震電起溪中數日水盡涸西徙六十里自是潮民無鱈魚患

李賀

賀字長吉每旦出必騎弱馬從小奚奴背古錦囊遇所得輒書投囊中為詩未始先立題如他人牽合程課者及暮歸足成之母嘗使婢探囊中見所書輒怒曰是兒會須嘔出心乃已以父名晉肅終身不肯舉進士韓愈為作諱辨卒不出

章處厚

敬宗荒暗月視朝裁三四處厚每入見即自陳有罪願前死以謝帝曰何哉對曰臣昔為諫官不能死諍使先帝因敗與色而至不壽於法應誅然所以不死者陛下時在春宮年十有五可恃也今皇子方襁褓臣何敢避死亡之誅帝頗感悟王庭湊之亂帝每嘆宰相不才而使姦臣跋扈處厚曰陛下有一裴度不能用乃當饋而歎恨無蕭曹此馮唐所為致慨於頗牧也帝默然

柳渾

渾字夷曠舉天寶初進士立朝地直能盡言渾城與吐

蕃會平涼是日帝語大臣和戎之便馬遂賀曰今日盟可百年無虜患渾進曰五帝無誓誥三王無盟詛盟詛季未事也況以季未事行於夷狄乎今日事臣竊憂之時李晟繼言曰夷情不測誠如渾語帝變色曰渾儒生未達邊事卿為大臣亦爾耶晟頓首謝夜半邊書飛報吐蕃劫盟將校皆覆沒帝大驚旦以表示渾謂曰卿書生乃能料敵萬里外

陸龜蒙

龜蒙字魯望性放逸舉進士一不中輒浪遊蘇湖間嘗至饒州三日無所詣刺史聞率官屬就見之龜蒙不樂拂衣去居松江甫里多所論撰不乘馬喜御舟楫每設篷席賚束書茶籠筆牀釣具往來時謂江湖散人或號天隨子自比涪翁漁父江上丈人云其遠祖績嘗仕吳為鬱林太守罷歸無裝舟輕不能越海取石為重時號鬱林石

秦宗權

宗權起自牙將乘黃巢之亂據蔡寇荆襄破東都所至千里無煙舍師行未嘗轉餉每指鄉聚曰啖其人可飽

吾衆官軍追躡獲鹽尸數十車其酷暴殘殺如此已爲
朱全忠所摧其愛將申叢囚之折其一足械至汴見全
忠警然無怖色曰英雄不兩立天亡僕以資公也臨刑
猶引頸大呼曰宗權豈反者耶願輸忠不效耳觀者大
笑。

董昌

僖宗時昌爲鎮海節度使既爲太尉晉封隴西郡王初
詔書至爲字償一緡以歸當制者忽復詰曰朝廷負我
吾奉金帛不貲何惜越王不與我當自取之遂僭大號
先是吳越間有烏四目三足其鳴曰羅平天冊昌以爲
受命之符遂建國號曰大越羅平建元天冊自稱曰聖
人每下制詔必署名其下或曰帝王無押詔體昌曰不
親署何由知我爲天子已錢鏐滅之。

柳玘

玘性介特嘗著勒家訓以戒子孫曰夫門地高者一事
墜先訓雖生可苟爵位死不可見祖先地下何者門高
則自驕族盛則人窺嫉實藝懿行人未必信纖瑕微累
十手爭指矣所以修己不得不至爲學不得不堅余幼

聞先公僕射言處世以恭默爲本畏怯爲務肥家以忍
順保交以簡恭廣記如不及求名如儻來蒞官則潔已
省事而後可以言家法家法備然後可以言養人直不
近禍廉不沽名憂與禍不偕潔與富不並董生有云弔
者在門弔者在閭言憂勤則恐懼恐懼則福至又曰賀
遠長與命位豐約不假問龜著星數在處心行事而已
今世人盛言宿業報應會不思視履考祥夫名門右族
莫不由祖考忠孝勤儉以成立之莫不由子孫頑率奢
傲以覆墜之成立之難如登天覆墜之易如燎毛余家
本以學識禮法稱於士林比喪亂以來門衰祚落基構
之重屬於後生夫人德行文學爲根株正直剛毅爲柯
葉有根無葉或可俟時有葉無根膏雨所不能活也至
於孝慈友弟忠信篤敬乃食之醴醬可一日無哉。

平原公主

公主昭宗女帝在鳳翔以上下嫁李茂貞子繼備后謂
不可帝曰不爾吾無安身所是日宴內殿茂貞坐帝東
南主拜殿上繼備族兄弟皆西向立主偏拜之

楊復恭

復恭本隋諸孫謂恭帝禪唐輒名復恭與其子守亮謀不軌分布諸子為州刺史號外宅郎君帝頗知謀罷其兵出監軍鳳翔不肯行丐致仕詔可賜几杖復恭乃遣腹心殺使者於道與守亮書曰承天門隋家舊物也兒但積粟訓兵何進奉為吾披荆榛立天子既得位便廢定策國老奈負心門生何門生謂天子也蓋昭宗立由復恭定策故云

韓全誨

全誨季述黨也季述既誅全誨知不免乃求麗姝知書者數十人侍帝左右為內訶及朱全忠兵入全誨等遂火乞巧樓劫帝西幸是時帝與后相視泣都民崩沸長樂門外若邱墟然帝入鳳翔全忠兵至晝夜攻城外兵誦守者曰劫天子賊守者訴外兵曰奪天子賊攻漸急全誨等食不能捉匕垂頭喪氣於是帝令先去四大惡以衛土十人取一首俄而全誨張彥弼等皆傳首全忠入又捕殺中官七十人又誅第五可範等八百人於內侍省時哀號之聲徹道路

藩鎮

王庭湊

庭湊嘗使至河陽醉寢於路有過其所者視之曰非常人也從者以告庭湊馳及之問故曰吾見君鼻之息左若龍右若虎子孫當王百年家有大樹覆及堂公興矣後無不驗

朱泚

泚既敗出奔失道問於野人野人曰朱太尉耶答曰漢皇帝野人曰天網恢恢走將安往泚怒欲殺之乃亡去已至涇州田希鑿拒納泚曰子之節吾所授奈何拒我因火其門希鑿從城上擲節投餞中曰還汝節已走彭原墮窖中見殺

朱滔

建中三年滔與王武俊田悅李納約為連衡如七國故事以拒朝命遂於冬十月庚申築壇祀天各僭為王滔為盟主是日三叛軍上有雲氣頗異馬燧望笑曰是雲無知乃為賊瑞耶先是其地忽高三尺後二年滔等冊壇正值其所

李全忠

全忠之室有蘆生焉一尺三節張建曰蘆茅類生於澤分茅之兆也傳節者其三世乎光啟中全忠拜節度使子匡威匡壽繼之

劉元佐

德宗時汴有相國寺忽傳佛軀流汗時元佐為節度使即親往大施金帛於是將吏商賈奔走輸金錢者恐後積十日元佐勅止籍所入得巨萬因以贍軍其權譎類如此

吳元濟

自吳少誠盜有蔡四十年兵驕無所憚內恃陂澆重阻故合天下兵攻之三年纜克三縣帝命裴度為行營招撫使李愬以精騎夜襲蔡執元濟獻廟社狗於市斬之帝美度功命韓愈為平淮西碑愈以元濟之平多歸功度而愬特以入蔡功居第一愬妻唐安公主女也出入禁中訴愈文不實帝亦重悟武臣意詔斷其文更命學士段文呂為之

唐外國

突厥

貞觀中頡利被禽至京不室處每設穹廬廷中久之鬱鬱不自得恒與家人悲歌相泣下狀羸瘠帝憐之以虜川負山多麋麋有射獵之樂拜為刺史辭不往尋死其子疊羅支有至性諸婦得品供羅支母以後至不得給羅支遂不敢嘗品肉帝聞嘆曰天生仁孝詎限華夷哉遂厚給其母頡利死其臣以死殉者曰渾邪曰蘇尼失帝異之命葬頡利冢旁

骨利幹

骨利幹處瀚海北草多百合掇其根以飯產良馬首似橐駝日中馳數百里其地北距海又北渡海則晝長夜短日入烹羊脾熟東方已明蓋近日出處云貞觀中大酋俟斤獻馬帝取異者號十驥有騰霜白皎雪聰凝露驄縣光驄決波驄飛霞驄發電赤流金駟翔麟紫奔虹亦諸美名

渤海

外國

渤海本附高麗其國東南瀕海日本道也南海新羅道也鴨綠朝貢道也長嶺營州道也扶餘契丹道也俗謂王曰可毒夫曰聖主曰基下王之父曰老長子曰副主俗所貴者有太白山之菟南海之昆布柵城之豉扶餘之鹿鄭頡之豕率賓之馬顯州之布沃州之綿龍州之細盧城之稻滄沱河之鮒果有九都之李樂遊之梨

高麗

高宗時蓋蘇文死子男生嗣帝遣李勣薛仁貴等討之時侍御史賈言忠自軍中計事還帝問狀對曰必克諺云軍無媒中道回今男生兄弟間很為我鄉導虜情偽我盡知之故必克且高麗秘記曰不及九百年當有八大將滅之高氏自漢有國今九百年而李勣年八十是行不再舉矣木幾果滅之收其城百七十六

新羅

貞觀五年新羅獻女樂二太宗曰比林邑獻鸚鵡一言思鄉乞還況於人乎付使者歸之永徽初國王織錦為頌帝美其意褒詔答之

日本

永徽初國王孝德獻琥珀大如斗瑪瑙如五升器建中初使者真人興能獻方物真人蓋因官而氏者也興能善書其紙似繭而澤人莫之識是時又有蝦蟇人朝貢蝦蟇亦居海島中其使者鬚長四尺許

高昌

高祖時高昌遣使獻狗高六寸長尺能曳馬銜燭云出拂菻中國之有拂菻狗自此始貞觀中朝貢不至上命侯君集等討滅之俘其君智盛弟智湛有子昭好學嗜書見書異書者其母輒顧箇中金歎曰何愛此不使子有異聞乎以是貽願工文藝

于闐

于闐有玉河國人取玉每視月光盛處即得美玉西有沙磧鼠大如蝟色類金出入羣鼠為從

天竺

天竺有五分東西南北中而中天竺在四天竺之會其畜有稍割牛相傳飲其血者壽五百歲牛壽如之率十日一割國有文字善步歷學尚浮屠法國中處處指曰佛故跡也真觀中淨日玄裝至其國國王尸羅逸多見

外國

謂曰而國有聖人出作秦王破陳樂試為我言其為人
玄奘粗言太宗英武狀王喜曰我當東面朝之因遣使
者上書闕下帝遣使撫慰王驚問國人曰自古亦有摩
訶震旦使者至吾國乎皆曰無有王乃出迎膜拜受詔
已復遣使獻火珠鬱金香菩提樹開元中獻五色能言鳥

拂菻

拂菻即大秦也居西海上有珊瑚洲洲人乘大船墮鐵
網於水底珊瑚初生磐石上如茵一歲而黃三歲赤枝
格交錯高三四尺鐵發其根系網船上絞而出之失時
不取即腐

大食

大食男子鼻高黑而髯女子白皙出則障面日五拜天
神見王則不拜銀帶佩銀刀歲獻貴人蒲萄大者如雞
卵有千里馬相傳為龍種云開元中遣使獻馬細帶謁
見不拜有司詰之辭曰國人止拜天見王無拜也有司
切責乃拜其國有二種一曰黑衣大食貞元中遣使來
朝傳言其國西南二千里有水生花如人首然與語則
笑笑則落

南詔

南詔一曰六詔夷人謂王為詔六帥各治一區故名六
詔貞元中南詔酋異年尋遣使獻鐸鞘浪劍鬱刃生金
瑟瑟琥珀牛黃等物鐸鞘者狀如殘刃有孔旁達出麗
水飾以金所擊無不洞夷人尤寶愛月以血祭之鬱刃
鑄時以毒藥并治取迎躍如星者凡十年乃成粹以馬
血以金犀飾鐸首傷人即死浪人所鑄故亦曰浪劍王
所佩蓋已七世云

訶陵

上元間國人推女子為王號悉莫威令極嚴峻道不舉
遺大食君聞之齎金一囊置其郊行人輒避如是三年
太子適以足躡金悉莫怒將斬之羣臣固請悉莫曰而
罪實本於足可斷足羣臣又固請卒斷指以殉大食聞
而畏之不敢加兵有二屬國曰曇陵曰陀洹貞觀時貢
白鸚鵡首生十丹毛齊於翅又有道明國人無衣服見
衣服者則笑之

驃

驃古朱波也其屬國十八有江支流凡三百六十土熱

唐書

卷一百一十三

地理

王居金為甕厨覆以銀五覆以香木堂飾明珠有二池以金為隄舟楫皆飾金寶其浮圖鉛錫為瓦荔支為材又有百寺民七歲視髮入寺至二十而不達其法乃復為民國有巨白象高百尺訟者焚香跪其前自思是非而退國有灾疫王亦焚香對象跪自咎又有姑蔑國婦人總髮為角以辨夫之多少貞元中吐蕃數侵勿鄧其大鬼主乞援於章泉泉遣將直那時犬破之青海斬其將乞藏遮遮等遮遮尚結贊子也以尸還其部下百餘人行哭使一人立尸左一人問之曰瘡痛乎曰然即傳藥又問欲食乎曰然即進食又問欲衣乎曰然即進裘又問欲歸乎曰然即以馬載尸而去勿鄧亦驃屬也南蠻有繡腳種刻蹠至腓為文繡面種生踰月涅黛於面雕題種身面涅黛穿鼻種以金銀鑲徑尺貫其鼻下垂過頤君長以絲係鑲人牽乃行其次以二花頭金釘貫鼻下出長鬚種棟鋒種皆額前為長髻下垂過臍行以物舉之君長則二女在前共舉其髻乃行飛頭獠頭欲飛周項有痕如縷妻子共守之

吐蕃

吐蕃本西羌屬居析支水君長曰贊普曰論贊曰弄贊貞觀中遣使齎幣求昏許之妻以宗女文成公主長慶中遣使來乞盟詔遣大理寺劉元鼎就盟其國踰成紀抵河廣武梁故時城郭未墮蘭州地皆秔稻桃李榆柳岑蔚戶皆唐人見使者靡蓋夾道觀至龍支城耆老千人拜且泣問天子安否自言頃從軍沒於此今子孫未忍忘唐服朝廷尙念之乎兵何日來言已皆嗚咽問之豐州人也

環王

環王即林邑也國之南有銅柱五相傳漢馬援所植援之還也畱者才十戶至隋未繁衍至三百皆姓馬遂號馬畱人其國以二月為歲首檳榔瀋為酒柳葉為席貞觀中獻五色鸚鵡白鸚鵡數訴寒乃詔還之自交州渡海歷赤上丹丹諸國多火珠大如雞卵圓白光照數尺日中以艾藉珠輒火有舍利鳥能通人言其隣有扶南國生剛金狀類紫石英生水底石上人沒水取之可以刻玉扣以殺角乃泮



--	--	--	--	--	--	--	--	--	--

外國

三
日

粵

早稲田大学図書館

011688999300